

C40-4514

法華經持驗紀序  
法華爲衆經王。世尊以廣長舌演拈華之勝。因會諸法之秘要。開權顯實。三一圓前後七軸。凡六萬餘言。洋洋灑灑乎。真大觀也。雖狀當日靈山會上五時各說一法。華嚴一。阿含二。方等三。般若四。乃猶以未暢厥懷。最後復說此經化無量無邊之法身。演無量無邊之法口。顛倒淋漓。不嫌辭費。世尊於此。又多乎哉。昔佛臨涅槃。文殊請佛再轉法輪。佛咄云。吾住世四十九年。未嘗說着一字。汝請再轉法輪。是吾曾轉法輪耶。夫一語說不來。九年面壁坐。旣曾面壁九年。

C40  
4514  
(65)

B 64853



卽此一語亦正何須說得。有能善悟此六萬餘言。則可以破六萬言而爲一言。更可以破一言而還無言。又何不可。行無言而爲六萬餘言。又何不可化六萬言而爲千百億萬言。知見既開。圓宗頓澈。妙法如斯。多乎哉。不多也。今以微塵世界勞勞火宅之中。幸邀自光普燭。後獲奉是經。誠哉生死路之津梁。淨土門之梯級矣。經中所言汲汲以受記爲囑付。其流傳之法。殆有五門。最上曰受持。其次解說。讀誦書寫供養。是也。如或一句一偈。矢志皈依。雖至村朴之夫。唯閻之子。累囚痼疾之徒。暨夫鱗羽知識。有血氣之倫。凡

屬精虔共沾慈雨。而况振大覺之宗風。暢迦文之奧義。所稱導師龍象法界干城者乎。夫蓮之爲華。取其出淤泥而不染也。五濁之微塵火宅。何啻淤泥。求於此特立不染。非聞妙法。無由解脫。故知當日以是名經。世尊殆欲擊震旦國中。遍植之青蓮一朶中耳。因華覓蒂。因蒂覓根。玉井秋塘。較德水華池。是一是二。請從三世中間寶座看來。如果立現千層。何處別尋優鉢。不離色香顯標。因果豈欺我哉。豈欺我哉。余旣集金剛經持驗竟。念是經尤音教淵海。弘通爲亟。感應靈異。代著襄編。爰取累朝古德名賢事驗。足徵信

法華拂馳絲

者。倣前集條例而綜次之。庶幾見聞之下。精進脩持。  
同證三昧。從說三歸一。而究竟一無可說之微旨。曹  
溪偈云。心迷法華轉。心悟轉法華。了此經出現。一大  
事因緣真覺靈山。一會儼狀千古。予之文字。又多乎哉。

監門尊陽羨淨業弟子周克復齋沐譏



此卷立不崇半閱。妙法良言。由茲而生。而不乘也。正固  
美祖。勝學。兩果。老根。千枝。普平大運。為華。如  
惠能。共出。慈雨。而承。大器。之。承。風。繼。文。之。承。

勸流通法華持驗引

勸流通法華持驗引。經典所在。流通卽屬善緣。福報無量。故語云。能以大乘法傳一人者。當十善。傳十人者。當百善。傳大貴人。大豪傑。大力量者。當千善。重刊廣布者。當萬善。况淨土法門。超出生死輪迴。永不退轉。直至成佛而後已。是勸一人修淨土。乃成就一衆生作佛也。凡作佛者。必度無量衆生。彼所度之衆生。皆由我而始。其福報。信不可窮盡。故欲勸一切見者聞者。廣大其心。以佛之心爲心。使人人知之。而盡生淨土。龍舒所言。自宜諦信不誣。至法華華嚴二經。尤佛說妙法中之最上。

乘觀音大士普度世間。無刹不現。往賢感通事跡。歷  
禪昭狀。各爲纂集。以勸進修。斯誠鈴鐸方來。津梁未  
路之最方便門也。戊戌秋。予輯金剛持驗。已有流通  
小引。敬懇同人。茲刻淨土法華。華嚴。觀音持驗諸紀。  
搜採載籍。徵信古今。頗殫心手之微勞。用志販依於  
不朽。但拙刻板在此地。未能廣傳他省。旣並生莊嚴  
佛土之中。安可缺法事流通之勝。復告當世善信。獲  
見諸本。不吝廣爲刻施。或仍原本。或易新編。其見聞  
所及。有關持驗者。尤與續緝於後。一句讚揚。卽是一  
句護持。善根一念鼓動。卽是一念消除。罪業於以續

佛慧命。自利利他。所謂護法諸神。旣護法寶。自護弘  
法載寶之人。斷斷不爽。昔賢爲辨窠圖。勸人念佛。後  
以他人念佛多生淨土。乃歸功施圖之人。亦得生淨  
土。法施功德。不可思議。如是願與同人共勗之。

同善道人克復敬懇

授持教經數倍古今頗難心手之妙方用志誠於  
不朽。和諧刻板在祀同善。薦人哀貞。持愚  
士。持誠心。無不風神吹吸。最艷與同人共景。  
以。持人。今。轉。炎。虫。蠍。土。八。龍。終。滅。圓。之。人。衣。持。土。每  
去。殊。寶。之。入。瀕。圓。不。喪。昔。賀。誠。製。稟。圓。博。人。念。紙。斧  
耕。慧。命。自。拂。拂。出。報。贈。蕪。智。滿。圓。潤。義。去。寶。自。薦。成

## 歷朝法華持驗目錄

## 上卷

宋釋文增

晉釋曇摩羅刹

晉比丘摩訶羅

晉釋慧遠

晉釋僧叡

晉釋道融

晉釋法曠

晉釋法義

晉參軍劉程之

宋沙門求那跋摩

法華持鶴目錄

宋釋道生

宋釋慧慶

宋釋曇諦

宋釋普明

宋釋僧登

宋釋慧亮

宋釋慧益

宋尼慧玉

宋尼羅瑱妻

宋開府王玄謨

宋孫彥曾

齊釋弘明

齊釋慧豫

齊釋慧基

齊釋僧侯

齊國子博士劉虬

梁釋法雲

梁釋道琳

梁釋法忍

梁尼道蹟

梁貞節先生庾銑

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

梁華手尼

陳南岳尊者慧思

陳釋玄光

陳國子祭酒徐孝克

北魏釋僧照

北齊釋志湛

北周釋慧命

北周釋慧遠

隋智者大師

隋釋僧照

隋釋大善

隋釋慧成

蕭子良

隋釋慧超

隋釋慧威

隋釋灌頂

隋釋真觀

隋釋普明

隋釋智越

隋釋智璪

隋釋智晞

隋釋法嚮

隋釋等觀

隋釋大志

隋釋道悅

隋釋曇詢

隋釋曇韻

隋釋慧海

隋釋慧恭

隋釋法充

隋釋法朗

隋釋法喜

隋釋法誠

隋釋法安

隋釋法泰

隋釋玄秀

隋釋行堅

隋陸淳

隋嚴恭

法華傳抄馬融金

隋王梵行

唐律師道宣

唐刺史崔彥武

唐釋惠主

唐釋吉藏

唐釋玄琬

唐釋窺基

唐釋智琰

唐釋智威

唐釋智通

唐釋遺俗

唐釋義忠

唐釋法融

唐釋法徹

唐釋法達

唐釋法璿

唐釋無畏

唐釋玄朗

唐釋湛然

唐釋神邕

唐釋道暹

唐釋道遵

唐釋神悟

唐釋志鄰

唐釋楚金

唐釋大光

唐國師澄觀

唐釋慧因

唐元和僧

唐釋鑑空

唐釋守素

唐釋無言

唐釋元慧

唐釋功迥

唐釋楚雲

唐悟真奇僧

法華傳抄馬融注錄

唐孫咸僧懷秀

唐尼法信

唐中書令岑文本

唐侍郎王淹

唐令狐元軌

唐大理丞董雄

唐令史史阿誓

唐校尉李山龍

唐高表仁孫

唐潘果空

唐崔義起妻

父蕭文達

唐馬郎婦

下卷

五代大慈寺僧

吳越釋道潛

吳越智覺禪師

吳越釋鴻楚

吳越釋可周

晉釋自新

周釋義楚

宋釋紹嚴

宋釋義寂

宋釋義通

宋釋晤恩

宋釋省念

宋釋知禮

宋釋遵式

宋法華大士志言

宋釋本如

宋釋祖韶

宋釋有嚴

宋釋處咸

宋釋靈照

宋釋可久

宋釋思忠

宋釋中立

宋釋淨梵

宋釋覃異

宋釋宗利

宋釋道琛

宋釋從雅

宋釋含瑩

宋釋祖南

宋喻思淨

宋左仲

宋范儼

宋司獄張慶

宋軍使李遇

宋刑部陸沅

宋待制晁說之

宋湖州張秉

宋姜學士

宋潘昱

宋朱氏如一

宋董母李氏

宋歐陽文忠公

宋趙母

宋黃婆

宋秦氏淨堅

宋宜人陸氏

元釋弘濟

元陳君璋

明釋善繼

明蓮池大師

明釋德清

明釋洪恩

明釋真覺

明釋真清

明釋性專

明釋傳燈

明釋傳記

明釋廣莫

明釋廣承

明釋僧復

明釋性天

明釋濟舟

明釋行仁

清江集才馬公錄

卷一

明釋永寧

明釋明勳

明童子

明郡丞龍得孚

明朱元正先生

明邑令王立轂

明尤弘遠

明葛琬

明太僕陳濟生

明工部譚貞默母

明釋興慶

明釋真賞

明釋妙大禪

明釋妙諭

明釋淨華

明釋善樂

宋宣人對天

宋釋惠南

宋黃菴

宋釋天無量

歷朝法華持驗紀卷上

公東蓮發淵實同善道人周克復纂 男周石校

古音遺音錄外潛確居士陳濟生叅

晉燉煌郡釋曇摩羅刹 華言法護 本姓支氏 八歲出

家誦經日萬言 志弘大道 遍遊西域諸國 賽梵經還

中夏遂譯出賢劫正法華諸部 晉武末隱居深山 山

有清澗恒取潔漱後忽以穢觸而竭 師徘徊嘆曰 人

以涼德遂使清泉輟流乎 言訖 泉流滿澗其幽誠所

感如此 時稱燉煌菩薩

千偈年十二至沙勒國說法之暇專務方等於是聲滿葱左龜茲王迎還國請開方等經奧師爲推辨諸法皆空無我分別陰界假名非實聽者莫不感悟苻秦時太史奏有星見外國分墾當有大智入輔中國卽遣使求之後秦弘始三年十二月迎師至長安止逍遙園譯妙法蓮華經義皆圓通衆心懶伏續出小品金剛般若等經及諸論凡三百餘卷師雅好大乘志存敷廣將終語衆曰願所宣譯後世咸共弘通今於衆前發誠實誓若所傳無謬當使焚身之後舌不焦爛晉義熙五年卒於長安依外國法闍維薪滅形

## 化惟舌不灰

晉天竺比丘摩訶羅讀摩訶衍德行彌著國王正信常布髮掩泥令蹈其上或白王此人不多讀經何大供養王曰我曾於夜半欲見此比丘卽到其所見彼在一窟中讀法華經有金色光明人乘白象王合掌供養我方近卽不見因問比丘以我來故金色人滅耶比丘云此是徧吉菩薩徧吉自言若有人誦法華經當乘白象來教導之我讀是經徧吉自來矣徧吉卽經中普賢菩薩也我聞是已禮足而退是故我今勤當供養

晉長安釋跋澄年二十出家。根器魯鈍。誓誦法華。日記一行。或半偈。如是勤苦。至八十歲。方通一部。一日忽見朱衣神人持疏云。天帝奉迎大德。師曰。生來誦持專祈極樂。忉利雖勝。非所願爾。神乃辭去。又一夕夢七寶大塔。身居第五層。望見七寶城階。無有涯際。有二金剛神。執杵而立。青衣數十。手執白拂。拂階道云。是西方寶城來迎跋澄。夢覺卽命以衣鉢營大眾。齊問曰。汝等此時見千佛否。衆云不見。又問覺非常香氣否。衆云咸聞言已。向西寂狀而化。

卷五

豁狀開悟。遂投簪受業。精思諷持。太元六年。至廬山止龍泉精舍。欲建蘭若。尚乏良材。感山神現夢。一夕大雷雨。天明則木積如林矣。刺史桓伊驚其神異。乃爲建刹曰東林。殿曰神運。師嘗謂諸教三昧。其名甚衆。功高易進。念佛爲先。遂與慧永慧持等結社念佛。世號十八賢。又率衆至百二十三人同修淨業。蓮漏六時。禪誦不輟。有慧義法師者。強正少可。嘗至山值師講法華經。欲致難問。輒內悸流汗。出曰。此公言貌誠可敬服。西土諸僧咸稱漢有大乘開士。每東向致禮。師三十餘年。赴志西方。三覩聖相。默而不言。義熙

十二年七月晦夕。於般若臺東龕方從定起。見阿彌陀佛身滿虛空。圓光之中無量化佛觀音勢至左右侍立。又見水流光明分十四支洄注上下演說妙法。佛言我以本願力故來安慰汝。汝後七日當生我國。又見佛駢耶舍慧持慧永劉遺民在佛側前揖師曰。師志在先何來之晚。師知時至謂門人曰吾始居此三觀聖相今復再見當生淨土必矣。至期端坐入寂時八月六日也。所著有廬山集十卷。

晉釋慧持遠公同母弟也。年十八師安公徧學衆經遊刃三藏尤精法華豫章守范甯嘗請師講法華經

阿毘曇論四方雲聚隆安三年辭兄入蜀遠留之。師曰既割欲求道正以西方爲期耳。至成都居龍淵寺大弘佛法升其堂者號登龍門至宋致和三年四月嘉州奏風折大樹有僧在定敕送至京師八月入內譯經院鳴金磬出其定僧曰我東林遠公弟慧持也西遊峩眉因入定於此間欲何歸曰陳留卽復入定。徽宗令繪像頒行仍製贊云七百年前老古錐定中消息許誰知爭如隻履西歸去生死徒勞木作皮。晉釋僧叡冀州人遊學諸方遍歷天竺國界還關中從羅什諮稟經義什翻法華經以竺法護本云天見

人人見天什曰。以此言過質耳。師曰。將非人天交接。  
兩得相見。什喜。遂用其文。後入廬山。依遠公修淨業。  
旣而適京師。止烏衣寺講說法華。聽者推服。元嘉十  
六年。面西合掌而逝。衆見榻前一金蓮花。倏爾而隱。  
五色香烟。自室中出。

晉剡東釋法崇。姓竺氏。少入道。以戒節見稱。篤志經  
論。尤長法華。嘗遊湘州麓山。山精化爲天人。詣師請  
戒。因捨所住山爲寺。師居少時。化洽湘土。後還葛峴  
山。茅菴澗飲禪慧爲樂。著有法華義疏四卷。

晉彭城郡釋道融。從什公入逍遙園。參詳新譯法華。  
闡揚聽衆千數。亦助什譯經。甚爲推重。

晉釋曇翼。餘杭人。初沙門法志。常誦法華。有雉翔集  
座隅。如聽經狀。七年雉殞。志瘞之。夜夢一童子拜曰。  
因聽經得脫羽類。今生山前王氏家矣。王氏一日設  
齋。志乃踵門見曰。我和上來也。志撫之曰。此我雉兒  
也。解衣視腋下。果有雉毛三莖。因名以翼。七歲出家。  
十六薙髮。初入廬山。依遠公。繼往關中。師羅什。義熙  
十三年。東還會稽。入秦望山。結茆菴。稱法華精舍。專

誦法華。越十二年。有女子披彩服。携籠盛一白豕。大蒜兩莖。至師前曰。妾入山采薇。日夕矣。豺狼縱橫。歸無生理。敢託一宿。師却之甚力。女哀鳴不已。遂令居草床上。夜半號呼腹疼。求師按摩。師以布裹錫杖。遙爲按之。翌日。女以彩服化祥雲。豕變白象。蒜化雙蓮。凌空而上。謂師曰。我普賢菩薩也。以汝不久當歸我衆。特來相試。觀汝心真如。水中月不可染污也。旣而天爲雨華。地皆震動。太守孟覲方晨起視事。忽見南方祥雲光射庭際。知普賢示化。遂以聞於朝。敕建法華寺。即今天衣寺也。師旣化。漆其身留山中。

晉京師瓦官寺釋法曠。俗臯氏。寓居吳興。風操超卓。嘗爲師禮餚。至第七日。感五色光明。照室所苦。卽差後止於潛青山石室。每言法華爲會三之旨。無量壽爲淨土之因。常吟咏二部。謝安爲吳興守。恒往展敬。簡文帝召問起居。時彗見。帝以諧師。師竭誠懼禳。俄而星沒。興寧中。東遊若耶。止昌原寺。拯救疾苦。莫不如響。人每見師行坐間。有鬼神數十。翊衛前後。

晉西蜀石室山釋法緒。高昌人。德行清謹。蔬食修禪。後入蜀。居劉師塚間。頭陀山谷。虎兕見而不傷。誦法華。維摩。光明三經。嘗處石室。且禪且誦。忽於盛夏右。

脅而逝。七日不壞。鄉人爲起塔。一夕放光。照徹數里。晉釋法義。姓竺氏。髫齡入道。研精法華。後出京大啓講筵。典寧中還江左。憇會稽保山精舍。咸安二年。忽感疾。誦經不歇。常存念觀音。夜夢一道人。爲出腸胃。洗滌垢穢。洗已還納腹中。覺卽痊愈。

晉建興二年。長沙縣西百餘里。陸地生青蓮花兩本。道俗爭觀。因掘其地。一丈二尺。得一瓦官。遠出壞處。斷視之。青蓮根莖。生觸體齒骨間。父老云。昔有僧不知名氏。誦蓮經萬餘部。不疾而化。以瓦爲官。此其是矣。衆因建寺名瓦官。

晉劉程之。字仲思。彭城人。初解褐爲府參軍。已入廬山。傾心自託。朝議加遺民號。與遠公雷次宗周續之宗炳。張詮等。結蓮社。共修淨土。鏡石爲誓。又著念佛三昧詩。以見專念坐禪之意。始涉半載。卽于定中見佛光照地。皆作金色。居十五年。正念佛時。見阿彌陀佛。玉毫光照慰接摩頂。一日念佛。又見入七寶池蓮華。青白。其水湛湛。一人項有圓光。胸中卽字指池水。曰八功德水。汝可飲之。程之飲水。甘美非常。及寤。猶覺異香發毛孔。嘆曰。此吾淨土之緣至矣。復請僧轉法華。經數百遍。旣而廬阜諸僧畢集。程之對像焚香。

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

再拜祝曰。我以釋迦遺教。故知有彌陀慈父。此香先當供養。釋迦牟尼如來。次供阿彌陀佛。復次供妙法華經。所以得生淨土。繇持此經願一切有情俱生淨土。面西合手而逝。時義熙六年也。異香郁狀。七日而息。遠公爲撰紀德碑。

宋罽賓國沙門求那跋摩。華云功德鎧。年二十出家受戒。誦法華及諸經百餘萬言。元嘉元年。隨商舶便風至廣州。文帝知之。敕州郡資發。路由始興。駐足虎市山。於山寺外別立禪室。山向多虎災。自後去來無梗。或時值虎。以杖按頭而去。嘗於別室坐禪。沙彌往往稱爲證聖。

宋釋道生。鉅鹿人。幼從竺法汰出家。初入廬山。幽棲七年。時誦法華經。嘗以入道之要。慧解爲本。於是鑽仰羣經。不憚疲苦。往開中稟承羅什。辨問超卓。咸稱神悟。後入虎丘山講經。至闡提。皆有佛性。頑石皆爲點頭。又在半塘誦法華經。有一童子從師出家。亦誦

法華無何童子命終因瘞於林一夕聞誦經聲鄉人異之啓視乃獲一舌生青蓮華因是起塔後葺成寺即今半塘寺高啓爲咏詩云黃土但埋骨豈能埋性靈昔開宿草間曾吐蓮華青身歸長夜臺口誦西方經尋迹殊窅窅聞聲每泠泠寒燈照空塔時有山僧聽應使鄰塚聞沉迷盡皆醒

宋釋法莊淮南人少爲遠公弟子苦節標名晚遊關中從叡公學元嘉初止道場寺性率素止午食而已誦涅槃法華經時感天神來聽每後夜誦誦比房常聞師室前有兵仗翊衛聲

宋釋慧慶竺姓廣陵人止廬山寺學通經律清潔有戒行誦法華思益等經每夜諷持聞闇中有彈指讚歎之聲元嘉中渡江遇風舟將覆師惟誦經不徹覺舟在波濤中迎飈截流如有人牽之倏忽抵岸宋京師南澗寺釋道問扶風人爲師病同侶三人入河南霍山採鍾乳探穴數里三人溺死炬火又滅罔默誦法華憑誠乞濟又存念觀音有頃見光如螢火追之遂得出穴後作普賢齋有二僧來禮佛出門飛空而去衆皆驚異

宋釋曇諦姓康氏其先康居國人漢末附中國後徙

吳興父形爲冀州別駕母黃氏晝寢夢一僧呼黃爲母寄塵尾拂并鍊鏤書鎮二枚及覺見二物具存因孕生師年五歲母以塵尾等示之師曰秦王所餉母曰汝置何處曰忘之矣十歲出家學不從師悟自天發法華奧旨辯若懸河嘗隨父至樊鄧間遇關中僧智道人忽喚智名智曰童子何以呼尊宿名師曰曩昔和尚是諦沙彌爲衆僧採菜遭野猪所傷今忽逢汝不覺失聲耳智初不記憶乃詢形具說本末并示書鎮塵尾智悟而泣曰卽先師弘覺法師也先師爲姚萇講法華經貧道爲都講萇贈先師二物因追思

弘覺入滅正是寄物之日復憶採菜事彌增悲仰師晚入吳武丘寺講法華大品維摩各十五遍後還吳興閒居澗飲二十餘載元嘉末示寂於山宋釋曇邃止河陰白馬寺蔬食布衣誦正法華經日一遍嘗夜中忽聞叩戶云請師九旬說法師不許固請乃赴猶在眼中不覺身已在白馬塢神祠中矣并一弟子俱在自爾每日密往人無知者後寺僧於祠前過見兩高座師在北弟子在南如有講說聲又聞奇香於是共傳神異至夏方竟

宋釋普明臨淄張氏少出家稟性清純懺誦爲業誦

法華抄馬経

法華經時有別衣別座未嘗穢襪每至勸發品輒見普賢乘六牙象在其前

宋釋寶通。梵行精修長誦法華經陀羅尼品久而靈異。時楊橋村有趙姓妻爲魅所憑請師誦陀羅尼品。有神現形呼其鬼受責。趙妻得差後病再發。師往見所責鬼在前。師曰前已誠治那得再來。吾當誦呪令汝頭破作七分如阿梨樹枝鬼叩頭哀乞去。病遂愈。宋釋僧登。止廬山大林寺。通誦法華晝夜不息。一日忽見空中有一銀殿漸下於房忽變金殿。師遂入殿。坐起經行如是三載遠近從化爲人說戒口放光明。

一日出外歸謂弟子曰今登金殿不復出也卽翛然脫化異香彌月。

宋釋法慧。本姓夏侯氏。秉志精苦。律行冰嚴。大明末東探禹穴。隱天柱山。誦法華經日周一部。志耽人外。棲居三十餘年。王侯稅駕止拜門而返。惟汝南周顥以信解兼深。特相引接。誦經處恒有彩雲籠於空中。宋釋慧亮。少有清譽。立寺臨淄。講法華大小品學徒雲集千里。命駕後過江。止何園寺。顏延之張緒眷德留連。每嘆曰。安汰吐珠玉於前。斌亮振金聲於後。清言妙悟。將絕復興。著玄通論行世。

宋揚州釋慧果少以蔬素自節。太始中遊京師止瓦官寺誦法華十地。嘗於園側見一鬼致敬云。昔爲衆僧作維那。小不如法。墮在廁鬼中。法師慈悲望垂拔濟。有錢三千埋柿樹下。願取爲福。師告衆掘錢爲造法華經一部。後復夢鬼云。蒙慈力已得改生致謝而去。

宋京師釋慧益廣陵人。孝建中止竹林寺誦法華經。精勤苦行。誓焚身效藥王菩薩故事。帝遣使勸不聽。大明七年以佛生日詣闕辭帝。囑以佛法。乃於鍾山置油鑊。以吉貝纏身。手自執燭以然。誦藥王品火及

眼方聲絕時聞筩管之聲。異香芬馥。帝夜夢師更囑付護法。翌日設大會。敕於焚身處建藥王寺。

宋釋僧瑜餘杭人。初於廬山南嶺建招提精舍。常持法華。孝建二年六月。謂衆曰。結累三塗。情形之故。情將盡矣。形亦宜捐。藥王之轍獨何遠哉。遂別衆入柴龕。端坐誦藥王狀身品。發炬以焚。衆見紫氣騰空。旬日所焚處生雙桐。識者謂娑羅雙樹之兆。

宋尼慧玉長安人。住江陵牧牛寺。誦法華楞嚴等經。旬日通利。元嘉中焚香禮佛。誓曰。若誠心有感。捨身之後。得見佛土。七日之內。願見佛光。至第五夜。寺東

法華經疏

三

林樹忽現光相形色赫然衆嘆希有  
宋元嘉時尼道壽誦法華滿三千部每見空中有光明寶蓋垂覆已頂

宋蜀都羅瑱妻費氏少誦法華勤至不倦後病心痛垂絕屬續待時俄夢佛手摩其心應時而愈家衆俱覩金光亦聞香氣  
梁王玄謨傳  
宋簡靜寺尼智通捨戒適梁羣甫生子七歲家貧無衣思爲尼時有素絹所書法華經卽練擣爲衣着兒體忽遍身生瘡白蟲周咂號叫旬日而死聞空中語云壞經爲衣得此華報果在地獄亦元嘉中事

宋王玄謨太原祁人元嘉中北征失律蕭斌欲誅之沈慶之諫曰佛狸魏世祖小字威震天下豈玄謨所能當且殺戰將徒自弱耳乃止初玄謨將見殺夢人告曰能誦法華普門品觀音神咒千遍可免旣覺誦之不輟忽報停刑後官至開府

宋元嘉四年初都人孫彥曾家世奉佛有妾王惠稱常誦法華忽見江浦有光掘之得金佛一軀先有銘曰建武六年庚子官寺道人法新造蓋法新乃妾之前身也

年四十忽悟非常。因出家。布衣蔬食。誓誦法華。用心勤苦。執卷便病。乃發願造法華百部。以憲先障。經願既滿。病亦良已。後願迴此誦業。獲生淨土。聞空中聲曰。汝願已足。必得往生。年八十餘無疾而化。

齊釋弘明。會稽人。貞苦有志節。永明中止山陰雲門寺誦法華經。修習禪定。六時不懈。每旦瓶水自滿實。諸天童子爲給使也。每坐禪虎嘗伏室內。見師端狀不動。久之乃去。

齊釋法匱。姓阮。吳興於潛人。出家枳園寺。樸狀自守。不涉世事。長誦法華。每齊會得直聚。以造旃檀佛像。

像成。自設大會。其本家僑居京師。是旦還家。又至定林復還枳園。後三處考覆。皆見師來中食。實是一時而三處赴焉。爾日晚還房奄逝。體甚香軟。手屈二指。衆咸悟其得果。因爲起枳園寺塔。時齊永明七年。

齊釋慧豫。黃龍人。遊京師。止靈根寺。誦法華經。爲救苦之津梁。嘗於寢室見三人扣戶。並衣冠鮮潔。執持華蓋。豫問何爲。答曰。法師應寂。故來奉迎。豫曰。小事未果可申一年得否。答曰。可。至明年期滿。無疾而卒。

齊永明七年春秋五十有七。

齊釋超辨。姓張。嫩煌人。幼而神悟沈靜。誦法華爲常。

課聞京師佛法大振。由巴楚達於建業。止定林寺間。居壁坐三十餘年。誦法華經日限一遍。心敏口從。恒有餘力。永明十年示寂。僧祐律師爲造碑。東莞劉勰製文。未幾葬所產青蓮花一枚。

齊釋慧基姓呂。吳錢塘人。十五出家祇洹寺。厲行精苦善小品法華。還止山陰法華寺。講宣經教。學徒虧至。乃於會邑立寶林精舍。夢普賢放光接引。因造普賢像。并六牙白象形。竟陵王嘗詢以法華要指。乃著法華義疏三卷。建武三年示疾。弟子夢梵僧數人踞砌而坐。云從大乘國來迎基和尚。泊狀而化。

齊釋僧侯姓龔。西涼州人。少出家。卽知苦節。從遊京師。誦法華光明經二日一遍。六十餘年。禪誦無廢。築室後岡。爲安禪所居。恒奇香異卉。不知所自。來人登其戶。肅敬冥發。時謂戒神陰護之耳。永元二年微疾不食。乃索水漱口。合掌趺坐而逝。春秋八十有九。齊竟陵文宣王蕭子良。字雲英。敦義愛古。博覽經籍。世稱筆海。與文慧太子並精佛理。每招致名僧。講諸經乘。尊法之盛。江左未有。或親爲衆僧賦食。行水誦法華經。冥感雅梵。有類陳思。著淨住子二十卷行世。淨住者。卽梵語布薩。謂淨身口意如戒而住也。

卷之三

卷之二

齊劉虬字靈預，南陽人。精信釋氏，衣龕布禮佛。長齋課誦六時，不缺。建元初，詔徵通直散騎侍郎，不就。注法華、華嚴二經，自講佛義。建武二年，徵爲國子博士。徙居江陵西沙洲，其冬正晝俄有白雲徘徊欄戶之內，又有異香及鐘梵聲，端坐而化。

梁釋慧約姓婁東陽烏傷人童時聚沙爲塔壘石爲  
座年十七雍染劄令周顥側席加禮於鍾山造草堂  
寺延師居之太宰褚淵太尉王儉請師講法華勝鬘  
等經大弘法教淵遇疾晝寢見梵僧云菩薩當至尋  
有道人來者是也俄而師至遂豁然病愈性耽禪誦

感異香入室。猛獸馴階。嘗入金華山赤松澗時。矚神光。魑魅弭息。天監中。帝從師受菩薩戒。至王姬道俗。著錄者凡四萬八千人。嘗受戒時。有一乾鵲歷階而上。戒畢。狀後飛騰。又有二孔雀徐行至壇。俛頸聽法。大同元年坐逝。建塔誌公墓左。

法華持騷經

志。彈指讚曰。善哉微妙矣。儀同袁昂家有嘗供養僧。發願欲如師慧解。夜忽夢一僧云。雲法師燈明佛時已講此經。那得卒及。

## 神感

梁釋法懷姓嚴，枝江人。出家玉泉山寺，常誦法華分衛一食。不臥常坐。荷錫遠遊，廬峰台頂衡嶺羅浮，無遠不届。棲息窮巖，一志禪定。嘗往岱嶽過徐州縣令，問以公驗。師止賣得法華一函。令怒而閉之。七日不食，誦經聲不徹。令感惡夢，便頂禮悔過。後還幽棲，以禪誦爲業。卒時異香繽紛，旬日乃歇。

梁釋法忍，江陵人。初投天皇寺出家，誦持法華。日常再遍，以衆聚多謳，西往覆舟嵒下頭陀自靜。三十餘年，木食麻衣，破衲而已。自得幽林，無求外護。一食七

江書持馬經

一  
七

梁荊州釋僧遷。吳人。自幼神俊。爲侍中王錫嘆異常。  
誦蓮華經數溢六千部。一日假寐。夢普賢大士。香光  
照燭。親爲摩頂。諱而不傳。至將示寂。方陳同志。法華  
大品涅槃等經。各講數十徧。皆製疏流傳。  
梁吳興尼道蹟。號總持。得法於菩提達摩。遁居湖州。  
弁嶺峰晝夜誦法華經。誦滿萬部。不出山者。凡二十  
年後歸寂。塔全身於結廬之所。大同元年。塔內忽有  
青蓮華一朵。道俗異之。啓視。見華從舌根生。州郡錄

梁剡川有尼法宣。初誦法華經坐臥見帳蓋覆上父母令就齊明寺出家。是日帳蓋卽不見。自後博覽經論深探奧理。衡王元簡爲郡守。請爲越城母師。梁徵士庾銑字彥寶。新野人。幼通經史。性託夷簡。特嗜林泉。十畝之宅。山池居半。少與武帝善。及起兵詔爲平西府記室。普通間署黃門侍郎。皆不就。晚年宅內建道場。山居蔬食。六時禮懺。誦法華經。每日一遍。忽於夜後見一道人。自稱願公容。止甚異。呼銑爲上行先生。授香而去。中大通四年。晝寢。忽驚覺曰。願公復來不可久住。言終而化。舉室咸聞空中唱上行先

卷之三

卷之三

生。已。生。彌。陀。淨。域。矣。武。帝。敬。之。詔。謚。貞。節。先。生。

梁甄玄成中山人博達經史爲簡文所知以錄事參

軍隨蕭晉鎮襄陽。因江陵甲兵殷盛，密書申歎。或以

告誓。誓深信佛法。矢願不殺誦法華者。玄成素誦法。

華。以此獲免。晉後見之。常曰。甄公好得法華經力。

梁普通二年，高郵有華手尼者，志節冰霜，誦妙法華。

經不捨晝夜後每誦一卷右手爪上輒生一華狀如

綾絲五指皆遍誦徹六七卷。掌上併生工華。武帝召

見大爲嘉敬。因號華手尼。蓋嗚不果。卽歸。

陳南嶽尊者慧思、武津李氏子、幼持戒頂禮法華致

卷之三

忘寢息。因久雨蒸濕。身患浮腫。忍心向經尋。卽痊愈。  
夢普賢乘白象王。親爲摩頂。頂上隱起肉髻。年十五。  
出家受具。日惟一食。專誦法華。計盈千遍。感瓶水不  
竭。天童侍奉時。慧文禪師因閱大論。至四諦品。偈云。  
因緣所生法。我說卽是空。亦名爲假名。亦名中道義。  
恍然大悟。遂遙禮龍樹爲師。依論立觀。師乃往授法。  
晝夜攝心。脅不至席。坐夏三七日。得宿命通。倍加勇  
猛。禪障忽起。四肢緩弱。身不隨心。卽自念曰。病從業  
生。業繇心起。心源不起。外境何狀。病業與心。都如雲  
影。如是觀已。顛倒想滅。輕安如意。竟歲猶無所得。深

法華指掌疏

九

懷內媿。將放身。倚壁豁狀。大悟法華三昧。自後所未聞經。不疑自解。次光州大蘇山講大般若經。嘗得觀施於齊光寺。造金字大品般若金字法華二部。復自述願文一篇。願彌勒佛時身及此經。一時出現廣化。一切光大二年。入居南嶽。一日登祝融峰。獻神乞戒。師乃爲說法要。師指嵒下曰。吾一生曾此坐。禪爲賊。斷首尋獲枯骨一具。今福嚴至西南隅。指大石曰。吾一生嚴。亦曾居此。卽拾髑髏起塔。以報宿修之恩。今二生塔。又至蒙密處。曰。此古寺也。吾三生嘗託居。俾掘之果有僧用器物。及基址猶存。卽築臺爲衆說法。今三生藏衆

述願文一篇。願彌勒佛時身及此經。一時出現廣化。一切光大二年。入居南嶽。一日登祝融峰。嶽神乞戒。師乃爲說法要。師指嵒下曰。吾一生曾此坐禪。爲賊斷首。尋獲枯骨一具。今福嚴一生嚴至西南隅。指大石曰。吾二生亦曾居此。卽拾髑髏起塔。以報宿修之恩。今二生塔又至蒙密處。曰。此古寺也。吾三生嘗託居。俾掘之果有僧用器物。及基址猶存。卽築臺爲衆說法。今三生藏衆

七日。狀後王躬送別。師復登舟。舟子謂經半日而已。  
 南嶽祖構影堂內圖師像。天台國清寺祖堂亦狀。  
 陳徐孝克、東海剡人。少談玄理。長通五經。梁太清初。  
 起家爲太學博士。性至孝。父憂殆不勝喪。事所生母。  
 盡道。天嘉中除剡令。尋復去職。太建中徵爲秘書丞。  
 不就。蔬食長齋持菩薩戒。晝夜講誦法華經六年。除  
 國子祭酒。臨終正坐念佛。室內有非常香氣。鄰里皆  
 驚異之。

北魏釋僧照住泰山丹嶺寺。每遊山水。喜造幽峻。普  
 泰元年行至榮山。見飛流下有穴。深入五六里出穴。

東北行得石渠。流泉清澈。藥艸延蔓。渠北有瓦舍三  
 檻。形甚古陋。庭前穀穗縱橫。東舍內有黃帙數架。中  
 間曰金。並積遊塵。西舍內一沙門。端坐儼狀。飛塵沒  
 膝。四望惟茂林懸澗。非復人居。須臾逢一神僧。年可  
 六十。眉長丈許。盤掛耳上。相見欣狀如舊。問所從來。  
 自云我同學三人。從此避世。一人外行未返。一人枯  
 坐似入滅定。今在西屋內。汝見之否。師云已見。因取  
 穀穗擣之作粥。又往林中取梨棗。令噉。問平日誦何  
 經。師云誦法華。僧點頭曰。大好精進業。今東屋格上  
 如許經。並自誦之。欲得聞否。師合掌曰。唯。僧遂通夜

誦經聲韻清徹。師苦睡。僧曰。但睡我自恒業耳。達旦更爲造食。師謝別僧亦不留。但言我同學行去。汝若值者大有開悟。恨不見之。珍重而別。師尋路得還。結侶同往。瀑布與穴。莫測其處。

北魏釋志湛。齊州人。住泰山北邃谷中。衡草寺省事。寡言人鳥不亂。讀誦法華人不測其素業。將終時。神僧誌公謂梁武曰。北方衡草寺須陀洹果聖僧。今日滅度。師果於是日無疾而化。兩手各舒一指。有梵僧云斯初果也。還葬此山。後發視之。惟舌不壞。建塔表信。

北魏盧景裕。節閔初爲國子博士。坐累繫晉陽獄。至心誦法華。普門品。餘力亦誦全經。俄而枷鎖自脫。主者以聞於朝。特見原宥。

北齊林慮山釋法上。姓劉氏。朝歌人。十二投禪。稱聖沙彌。誦法華。維摩。纔決二旬。兩部俱了。又創講法華。酬抗疑難。無不嘆伏。文宣帝詔爲大統師。布髮於地。令師踐焉。時人語云。四海僧望道場法上。至武成世。并州東山人掘土。見一物狀如兩唇。其中有舌鮮紅赤色。以事聞奏。帝問諸道人。無能知者。師奏曰。此持法華者。六根不壞。報耳。誦滿千遍。其徵驗平。乃敕遷

置淨所供養。集諸持法華者。圍遶誦經。請現瑞應。纔始發聲。唇舌一時鼓動。見者莫不毛豎。詔以石函緘於山室。

北周釋慧命。姓郭。太原晉陽人。英姿秀拔。年十五誦法華經。兩旬有半。一部都徹。尋薙染專行方等普賢等懺法。後遊河陽仙城山。止善光寺。講演大乘禪智。所指罔弗倒戈。有濟北戴達貽書。及師酬札。並稱幽勝。同郡法音禪師。與師實稱德朋。詣長沙果願寺。能禪師所。同學心定。已還仙城。一夕携音手於松林。相顧笑語。剋志西邇。以周天和三年十一月。跏趺西向。

念佛咸睹佛來。合掌而蛻。奇香異樂。聞薰非一。又八日。音亦坐化。奇瑞悉與師同。

北周釋慧遠。姓李。燉煌人。十三出家。二十進具。止清化寺。衆緣奔湊。承光二年。周武欲湮法教。衆皆結舌。師抗詔極陳辭色。無撓。遂隱於汲郡西山。誦法華經。計三年間誦盈千遍。用通遺法。大象二年。天元悔過。東西兩京各置陟岵二寺。師遂至少林。長講法華。開皇初。敕授雒州沙門都匡任佛法。每講說。常有一鷲馴聽。但聞法集鐘聲。入堂伏聽。梵散便鳴翔而出。如斯六載。人共異之。後示寂。室有異香。

隋天台修禪寺智者大師，諱智顥，姓陳氏，潁川人。母夢香烟五采，縈廻入懷。誕靈之夕，神光照屋。七歲入果願寺，聞僧授普門品，一遍輒記。宛如夙習。十七禮佛像，誓志出家。恍焉如夢，見巖崖萬重，雲日半垂，滄海泓澄，乃在山下。峰頂有僧招手，須臾伸臂，挽師入伽藍。云汝當居此。十八出家，詣大賢山，誦法華無量義。普賢觀等歷二旬，誦通三部。陳天嘉元年，聞思大禪師止大蘇山，卽往頂拜。思曰：昔日靈山同聽法華宿緣所追，今復來矣。因示以普賢道場爲說，四安樂行。師入觀二七日，誦法華經至藥王品，是真精進。是

名真法供養。如來身心豁然寂而入定。乃見靈山一會儼狀，未散宿通潛發。以所證白思。南嶽嘆曰：非汝莫證。非我莫識。所入定者，法華三昧。前方便所發持者，初旋陀羅尼也。縱令文字之師千萬，不能窮汝辨矣。大建元年，至金陵瓦官，開法華經題。帝敕停朝一日，令羣臣往聽。師將息緣天台，見佛隴南峰，卽徘徊伽藍，植松引流，宛若昔夢。寺北別峰名華頂，獨往頭陀。自後般若天發大闡法華，天台瀕海。民業魚捕，師

1 2 3 4 5 6 7 8 9 100

心憫之。以所得覲施。買海曲爲放生池。表聞。陳主敕禁採捕。師爲講光明經。漁者聞法。皆好生去殺。合江溪篋梁六十三所。三百餘里。俱成法池。開皇十二年。於當陽玉泉山。創立精舍。武安王關聖父子顯靈乞戒。求爲護法弟子。師著法華玄義等書。爲陳隋二代大法王師。十七年冬。將入滅。命侍者唱法華無量壽經。爲最後聞思聽法。華竟贊曰。法門父母慧解錄生本迹。曠大微妙。難測輟斤絕絃。於今日矣。聽無量壽竟。贊曰。四十八願莊嚴淨土。華池寶樹易往無人火車。相現能改悔者。尚得往生。況戒慧熏修行道力故。

實不唐捐矣。唱經竟。復說十如。四不生。十法界。三觀四無量。四悉檀。四諦。十二因緣。六波羅蜜。一一法門攝一切法。皆能通心到清涼地。言訖。唱三寶名。如入三昧。葬天台佛隴。嵒詳如國清百錄等傳。

隋衡嶽寺釋僧照。聞南嶽妙善心觀。特往參謁。凡所指授。無不領解。後以南嶽命行法華三昧。用銷夙障。妙行將圓。覩普賢大士乘白象王放光證明。又感普門大慈。爲其說法。於是頓悟玄旨。辨才無礙。師於衆中。苦行禪定。皆爲第一。

隋衡州釋大善。幼棲林野。常誦法華。後參南嶽。得開

觀慧躬行法華三昧所入最深後趺坐而逝。七日內天爲雨花異香凝結衡陽令陳正業每致禮敬見史鄭僧果數稱師德常有獵人圍一羣鹿果謂正業曰君常稱善禪師有慈悲三昧力今日如此鹿何正業卽率左右同聲念南無大善禪師羣鹿騰空而出衆悉駭服。

隋荊州釋慧成澧陽段氏誦通法華維摩勝天王等經已見南嶽思大禪師令人法華三昧三年依行魔業禪鬼頓爾散絕後至枝江造禪慧寺六月江漲於一夜得梁木有段弘者爲精舍主忽氣絕師至乃甦。

曰初被執至王所見師上殿云此人功德未了願赦之王起禮足如言得釋又有常律師中夜捫蠶投地及明師語曰夜來一檀越被凍可憫常大慙永以爲戒

隋終南山悟真寺釋慧超丹陽沈氏自幼從釋專誦法華聞光州思大禪師獨悟一乘深明三觀乃與智者虛心潔已摶衣請業思曰超之神府得忍人也及遊衡嶺復與智者同途誦經移歲後隱終南八載行道泊寢疾少時召衆告曰往返常也長生不忻夕死不惑第一義空清淨智觀是吾凭杖言已向西而逝

隋釋慧威江陵人少依南嶽行法華三昧專思玄寂瑞不可勝述。

隋釋灌頂姓吳臨海章安人生甫三月能隨母稱三寶名七歲出俗日記萬言二十進具謁智者稟受觀法研繹既久頃蒙印可後隨智者至金陵光宅聽講法華又於江陵玉泉受法華玄義及止人莫能測。

觀晚止會稽稱心精舍講說法華時有跨劔籠基超雲邁印之語貞觀六年八月示寂室有異香師化流囂俗神用無方每誦經宴坐常有天花飄墜其側村人于法龍去山三十里染患將絕其子馳至祈救師爲轉法華經焚栴檀香病者遙聞香氣入鼻應時痊愈又樂安南嶺地曰安洲碧樹清溪泉流伏溺人逕不通師留連愛翫顧而誓曰若使斯地坦平當來此講經曾未浹旬白沙遍涌平如玉鏡乃講法華金光明以答靈惠。

隋靈隱南天竺寺釋真觀錢塘范氏少有奇相舌紫

法華持馬經

羅紋。左右手有仙人字。誦法華經日終一卷。開皇十四年亢旱時請講海龍王經序王既訖驟雨滂注縣西靈隱山者舊曰仙居師既頭陀石室衆構精舍號南天竺延師居止常講法華以爲心要每盥洗遺滴地不爲濡人皆異之。一日臯亭神請講法華感神捨宅爲寺。

隋天台釋普明本名法京會稽朱氏童時卽合掌稱佛忽有僧指詣天台云彼有初依菩薩說法化世大建十四年因趨台山事智者專修懺法日誦法華後隨至廬山於陶侃瑞像閣行請觀音三昧正行道間

感異僧爲改名普明因啓智者從之晚歸國清寺所居去水遠師指石曰此石流泉不亦快乎泉卽湧出日給千衆今錫杖泉是也。

隋天台國清寺釋智越南陽鄭氏少離塵俗遙方問道至金陵值智者北面請業密傳心要智者晚歸台嶺一衆是屬二十年間循循善誘學者歸心師生平誦法華計萬餘部所居之處瓶水自盈大業十二年右脅而逝天雨異花一境冥晦。

隋釋智璪臨海張氏二十卽登天台參智者大師求出家智者令誦法華兼修三昧至二七日夜懺訖見

九頭龍從地涌出。上昇虛空。天明白問智者曰。此表  
九道衆生聞法華經將來之世。破無明入法性空耳。  
後移住寶林寺專修法華三昧。初夜卽有鬼搖撼戶  
扇。三七日中。每夜如是以至搥柱破壁滅燈現狀。師  
一無所動。惟坐禪誦經而已。第三七日畢。見一青衣  
童子讚曰。善哉。言訖遂滅。

隋釋智晞。潁川陳氏。童年出俗。至台山智者所稟受  
禪訣。加修寂定。常居佛隴修禪道場。行法華三昧。時  
欲構香臺。香爐峰林木秀異。師欲伐用。衆以神所據  
爲疑。夜夢神送疏云。香爐峰檉柏樹盡捨給經臺。遂

伐之。有僧法雲欲往峰頂禪坐。師止之曰。卿道力微  
弱。山神剛猛。不宜往。雲不從。甫一夕。神現形驅令還。  
方悟前盲。深生敬仰。師嘗往阿育王寶塔禮八萬四  
千拜。貞觀元年。跏趺端坐。仍執如意說法。弟子問當  
生何所答云。如吾見夢。當在兜率。儼狀如入禪定。空  
中有絃管聲。良久乃息。

隋揚州正見寺釋法嚮。維揚李氏。出家精苦。從智者  
學。專誦法華於攝山棲霞寺側。立法華堂。行三昧。懺  
法三七精進。大獲靈瑞。默而不言。山中猛虎爲害。衆  
設大齋禳之。忽一虎入衆中。搏一人去。師高聲呼云。

今日專爲汝設齋可放此人虎卽置人而退既而羣虎數十大集齊所衆驚避師以杖叩羣虎頸爲說法自後遠遁無跡。

隋釋等觀富陽孫氏受心觀於智者居天台常誦法華貞觀中赴餘杭法忍寺講法敷坐正旦有王服者至稱臯亭神來謁客受戒法師卽索爐然香爲授菩薩大戒禮謝而退。

隋廬山福林寺釋大志會稽顧氏髫齡出家師事天台智者開皇十年來遊廬嶽住華頂寺誦法華經索然間靜音聲清轉衆皆樂聞後於甘露峰前建靜觀

道場頭陀爲業子爾一身不避虓虎每投身飼之虎皆避去

隋荊州清溪山釋道悅昭丘張氏出家玉泉寺器識沉邃長誦法華初智者入玉泉未有鐘磬於泉源獲怪石一片懸而擊之聲響清徹師每誦經聲如清流激韻終一卷扣磬一下聞者肅狀常步影而食每留一分以資飛沫慈善所薰或飛來肩上或浮拍手中祥感非一

隋懷州柘尖山寺釋曇詢姓楊華陰人出家白鹿山專誦法華聞龍山雲門寺禪師定山郢匠振古罕

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

僧卽遙相揖敬。後移住鹿土谷修禪。致枯泉重出麋鹿。遙院時因講法。暫住雲門。值徑冥霧昏。感山神爲之指路。又山行值虎鬪。累時不歇。師執錫分之。以身爲翳。虎低頭而散。每入禪定。七日爲期。開皇中。賜璽書褒異。

隋蔚州釋曇韻。定州人。少出家。恒誦法華。遍遊五臺。備見靈相。停北臺木瓜寺。廿餘載。禪誦無輟。隋末喪亂。年已七十。隱比干山。以夜繼晝。攝心不怠。常欲寫法華。數年未辦。積願旣久。忽有書生至。云善寫經。願成師志。繇是掃室塗地。舍香默書。出戒入沐。未盈一

旬。七軸俱了。將以覲施。斯須不見。後因胡寇卒至。藏經嚴窟。經年寇靜。覓經不獲。乃於崖下草中得之。箱襍俱爛。卷色如初。貞觀十一年。宣律師親覩其事。隋江都安樂寺釋慧海。清河張氏。髫年入道。以淨土爲期。專精致感。忽有齊州僧道詮。賚無量壽佛像來。微妙工巧。世未曾有。云是天竺雞頭摩寺五通菩薩。乘空往彼安樂世界。圖寫尊儀。旣冥會素情。深懷禮敬。乃覩神光照爍。慶所希有。大業五年五月。歛狀面西。禮竟。跏坐而逝。師般舟密行。老而愈篤。講法華經。至五十遍。弘法利生。矢心淨土。爲一時稱首。

隋益州招提寺釋慧恭與同學僧慧遠結契後遊荆揚訪道而歸契闊三十年夜話次遠語如流師默無所對遠曰仁者無所得耶師曰性闇無解遠曰可不誦一經乎師曰惟誦法華普門品一卷當爲誦之但至心聽乃結壇升高座始發聲唱經題覺有香氣久之聞天樂振空雨花零亂經已方歇遠敬禮謝之隋釋法充九江畢氏常誦法華兼通大品住廬山化城寺每勸僧衆無令女人入寺上損佛化下墮諸俗初衆有不從者師遂於山頂香爐峰自投而下誓粉身骨用生淨土忽於空中頭自轉上冉冉而下身無

少損衆感其異相戒始斷女人開皇末坐化隆暑不腐異香滿室

隋釋法朗南陽許氏棲止無定多住郢州時誦讀諸經志專法華潔誓誦之一坐七遍如是良久聲如雷動遠近亮徹世因目爲法華朗焉有比丘尼爲鬼所著超悟玄解莫不稱爲聰悟師曰此邪鬼也厲聲呵之魅卽怖去霍狀如失

隋雍州釋法喜襄陽李氏七歲出俗志持法華仁壽中住京師禪定寺欲冥祈靈爽誓誦蓮經千遍因不止舊室巡繞梵誦數滿八百誓心不散同寺僧忽見

有寶車瓔珞入師房內。迫而觀之。了無所賜。方知幽通之感。

隋終南山悟真寺釋法誠。雍州樊氏。止藍田王效寺。善誦法華。負笈歷遊名嶽。法華三昧。矢心奉行。夢感普賢。勸書大乘。乃命工書八部。般若。又造華嚴堂。竭其精志。書寫受持。時弘文學士張靜。夙善翰墨。請至山舍。舍香繕寫。終部。時感異鳥飛至。經案自狀。馴擾。貞觀初。手寫法華。正當露地。因事他去。未收。值洪雨滂注。趨往觀之。合案並乾。餘便流潦。十四年夏。語侍人曰。吾聞諸行無常。生滅不住。九品往生。此言驗矣。

今有童子相迎。吾當去世。言已。口出光明。照於楹內。又聞異香苾芬。端坐而化。誦習法華。略計十年。萬有餘遍。

隋釋法安。止建元寺。博通玄要。長誦法華。講四十餘遍。忽於講坐四隅。生花一叢。有十餘枝。黃白相間。狀似蓮華。香光敷蕪。又經旬日。復於都講牀側。及大眾坐處。生八九華。一月方萎。道俗聚觀。歎爲奇瑞。隋釋法泰。眉州隆山人。常誦法華。手寫經一部。數有靈瑞。向益州裝演。俄墮笮橋水中。求之不得。師悲泣。巡岸上下。忽望小洲上。有一襍。命取之。乃經也。草木。

法華寺錄  
擎之宛無濕處。師不勝歡喜。卽至成都裝竟。以檀香爲軸。備極莊嚴。還供本寺。每夜異香滿室。師勤持誦。夜必一遍。時有彪法師在彼寺講經。夕至師誦經所。見有諸人衆。胡跪合掌。彪流汗而退。

隋黃州濟華寺釋玄秀恒誦法華。每有異相。時當炎暑。師方誦經。次寺僧見翊衛嚴肅。怖告同侶。共視之初。上望空中。填塞無際。四衆咸稱神異。

隋釋行堅。常修禪觀。節操惟嚴。偶東遊。路出泰山。日夕止嶽廟。廟祝曰。近寄宿者多罹殃暴不可。師不聽。乃藉藁廡下。端坐誦經。可一更。聞室中環佩聲。須臾神出。衣冠甚偉。部從焜煌。向師合掌。師因延坐談說。如食頃間。師問世傳泰山治鬼。寧有之耶。神曰。有之。豈欲見先亡乎。師曰。有兩同學僧已死。願一見之。神問其名。乃曰。一人已生人間。一人在獄受對。不可喚來。師就見可也。卽同起至一處。見獄火光燄甚熾。使者引師入。遙見一人在火中號呼。血肉焦臭。不忍覩。師慄然求出。復同神坐。師問曰。欲救同學可乎。神曰。可能。爲寫法華經。必應得免。將曙。神辭入廟。祝視師不死。怪之。師去。急報前願。寫裝經畢。賚就廟宿。神出如初。歡喜禮拜云。已知師爲寫經。始書經題。彼已脫。

免今生人間也此大業中事

隋居士陸淳，吳郡人。心常慕道法華一部，日夕誦持。後忽病，仰臥看屋，了不暫瞬。有知識僧來探疾，因問君何仰視屋梁耶？答曰：佛記陸淳當生夜摩天。今見彼天宮殿城闕及諸天衆，故顧盼不倦爾。

隋開皇中，蔣州人嚴恭，平生淨心，皈法於郭外，造精舍，寫法華經，清淨供養。紙筆繕寫，咸務精良。信心而施，不行欺詐。隨得便營，無所乞覓。每終卷必逐字親爲檢校，久而忘疲。嘗有人從貸經錢一萬，恭不獲已與之。貸者乘船覆水失錢，僅得身免。是日恭入家庫。

見所貸錢在焉濕如水洗後聞其事方知靈異  
隋臨沂王梵行少瞽其母慈念口授法華經布  
食禪誦無缺計誦經一萬七千部後跏坐而逝  
露尸林野久之皮肉既盡惟舌不壞色如蓮華

隋開皇中，魏州刺史博陵崔彥武因行部至一邑，語從者曰：「吾前生在此邑爲婦人，今欲注視之。」因乘馬入修巷，至其家，命扣門。老者出謁。彥武升堂，視東壁高處，謂主人云：「吾昔所藏法華經，并金釵五隻於此。」經七卷尾，火焚失字數行。今每誦經至此，心便如有所失。令左右鑿壁取視，並如其言。主人涕泣不勝。彥

武厚餽之而去。

唐京兆西明寺律師道宣湖州人隋吏部尚書篆申  
之子母孕時夢梵僧云汝所娠者僧祐律師也十六  
誦法華兩旬而徹武德中晦迹終南所居乏水神人  
指之穿地尺餘泉自逆湧號白泉寺後徙豐德寺人  
般舟定感羣龍禮謁供異華奇果師戒德不羣製四  
分律鈔又著內典錄三寶感通錄廣弘明集續高僧  
傳貞觀中隱雲室山人睹天童給侍左右於西明夜  
行道臨砌蹶仆有少年介胄擁持之師問何神曰某  
卽毘沙門天王子那吒也以師戒德高妙來翊衛耳

師遂廣問佛法之事神一一言之授師佛牙併寶掌  
表信而隱乾封二年春感天人來談律相一日復有  
一天人來禮謁云律師當生覩史天宮持物一本云  
是棘林香十月三日安坐而化號南山教主澄照大  
師師述法華經序時韋天以法華尊上未易冠言遂  
稟報十方諸佛佛皆印可序始傳卽今弘傳序是也  
唐釋吉藏姓安本安息人祖世移家南海七歲出家  
後受具戒志在傳燈法輪繼轉止京師日嚴寺開講  
法華聞風至者萬計大業初寫法華一千部又別置  
普賢像躬對坐禪觀實相理武德六年移住延興寺

異供交至。一日清旦。焚香跏坐而逝。時屬炎暑。色愈鮮白。鑿石瘞於北巖。師平生講法華經三十餘遍。將終製死不怖。論云。死繇生來。宜應泣生不應怖。死文多不載。

唐釋惠主。始州賈氏。初至京師。甘露寺受具。專誦法華。感山神送供。六時行道。鳥獸隨行。似如聽仰。仍爲幽顯受菩薩戒。武德中。居香林寺。時陵陽公臨益州。將百餘駄入寺。就講堂安置。無敢違者。師見穢雜。卽入房取錫杖三衣。而出。舉杖向諸驢騾。一時倒仆。縣官大驚。執師申狀。陵陽一無所怪。但云蒙師破慳深。

爲大利。贈沉香十斤。還京後。從受菩薩戒焉。

唐京師大慈恩寺釋玄奘。姓陳。陳留人。年十一。通誦法華。維摩。卓狀耿正。貞觀三年。往西域取未至經。抵麴闐國。與諸商渡死伽河。國俗以人祀天。將戮師。以祭俄。大風作。塵沙漲天。晝日晦冥。彼衆以師爲聖人。遂得釋。至中天竺。得聞瑜伽師地。入王舍城。從上方戒賢論師。窮探大乘秘奧。日益智證。凡經一百五十餘國。十九年。賚經像歸京師。後譯經論合七十五部。麟德元年二月。與衆辭訣。令左右念彌勒如來右脅安臥而逝。有異僧奉香塗師體。敕准世尊故事。塔於

法華經疏馬系

樊川北原

唐京師普光寺釋玄琬姓楊華陰人講演法華大乘等並研覈理奧妙寫幽微仁壽二年造丈六釋迦如來金像至誠冥感天雨妙華飛颺狀如雲母是夕天樂彌空凌晨乃息每二月八日戒期依二十五佛及千轉神咒潔齋行道貞觀初敕皇太子諸王從師受菩薩戒左僕射蕭瑀兄弟每諮法華會三爲一之旨師爲剖析反復忘疲右僕射杜如晦遺命願爲歷劫弟子每授戒說法巫覡者輒云見有異類鬼神諸方屯聚如承受相

唐大慈恩寺釋窺基姓尉遲長安人奘公弟子通大小乘教後遊五臺宿西河古寺中見經軸放光探之得彌勒上生經遂援毫作疏筆鋒得舍利二七粒紅潤可愛師貌碩心慈隨處化導東至博陵講法華經兼製大疏嘗造玉文殊菩薩像寫金字大般若經俱發神光爛然盈室初奘公親授師以瑜伽師地惟識宗師盡領其妙海內稱爲慈恩法師時宣律師以弘律感天廚供餚每薄師三車之玩不甚加禮師嘗訪宣其日過午而天餕不至師去天神乃降宣詰以後時對曰適見大乘菩薩在此翼衛甚嚴我曹神通無

自○而○入○故○爾○宣○聞○之○始○大○驚○服○

唐攝山棲霞寺釋智聰住揚州白馬寺專習三論尋渡江住安樂寺值隋亡思歸無計隱江浦狹中誦法華經七日不饑恒有四虎馴遠忽見老翁挾一小艇來曰請師渡江聰登艇四虎蹲伏不肯去師曰將無渡耶虎遂起卽同利涉抵南岸艇及老人忽不見師携四虎止棲霞寺西貞觀中年九十九端坐逝虎哀吼而去

唐蘇州通玄寺釋智琰吳郡朱氏年十二誦通法華後從秦皇寺延法師進具德瓶儀鉢深護戒根武德

七年返舊山常行法華金光明普賢等懺法誦法華三千餘遍講涅槃法華各三十遍觀經百十遍苦節彌勤爐香不爇自焚罐水空自滿祥感非一貞觀八年示疾見梵僧手執寶瓶曰吾無邊光也却後淨土稱功德寶王卽我是也師謂門人曰無邊光大勢至也功德寶王其成佛之號也繇因言果余其西歸乎卽趺坐而逝

唐梓州釋智通俗陳氏八歲離俗專誦法華尤勤講授住牛頭山善持威儀奉戒貞苦常有雙鷲依時聽法講百餘遍兩度放光貞觀中示寂時合寺堂房變

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

作白色悉震動一食頃乃已。

唐天台法華寺釋智威縉雲蔣氏家世業儒年十八將納婦路逢梵僧謂曰少年前身是陳朝僕射徐陵也因聽智者講法華親立五願一臨終正念二不墮三塗三人中託生四童真出家五不墮流俗之僧今日何意欲違昔誓師聞已遂感悟不復還家卽往國清投章安爲師。容受心要定慧俱發卽證法華三昧。上元元年欲卜勝地說法執錫而誓曰錫止處卽吾住所其錫自國清飛至蒼嶺普通山可五百里以地隘不容廣衆凌空再擲至軒轅煉丹山師乃戾止剪

棘刈茅晝講夜禪手寫經典學者子來日衆分九處居之於是名其地曰法華師骨法古秀每登座有紫雲覆頂狀如寶蓋鳥雀旁止馴狎非常自法華寺至僊居上坂約八十里師每日往返齋粥禪講未嘗少違咸謂師有神足通云永隆元年坐化異香七日不歇時號法華尊者。

唐釋慧達太原人專誦法華五千餘遍行坐威儀誦聲不輟存愛物命每一步履直視低身地有蟲豸必廻身而避或問之師曰斯之與我升沉不定彼或先成正覺何敢妄輕之耶貞觀八年坐逝經五宿顏色

如初。唐雍州醴泉寺釋遺俗誦法華數千遍。貞觀中因疾告友人慧廓禪師曰。某生平誦經意希有驗。若生善道當舌根不壞可埋十年發視。若壞知誦經無功。不壞則爲起一塔令人信向。言訖而寂。後十年啓視舌果不壞。慕道者如市。衆爲起塔於甘谷崖前後諸釋以誦法華得舌根不壞者甚衆。茲不盡錄。

唐京兆大慈恩寺釋義忠。襄垣尹氏二十登戒聞長安基法師新造法華義疏。卽詣講肆未極五年通法華無垢稱二經及惟識等五論。乃著法華經鈔二十

卷同輩見之無不首伏。每行道時面向西北。冥心內觀。願見慈氏。一日晨興澡漱忽香雲滿空。師仰視合掌曰。凡濁比丘乃煩大聖躬來接引。言訖而化。

唐釋法融姓韋潤州延陵人。年十九入茅山依炅法師二十年專精不懈。後於牛頭山幽棲寺北巖下別立茅茨。禪誦爲業。山素多虎樵蘇絕跡。師入後往往無阻。又有羣鹿達室聽伏。貞觀中於巖下講法華經爾時素雪滿階於凝水內見花二莖狀如芙蓉燦狀金色七日乃滅。

唐蒲州釋法徹絳州人少勤苦通法華經常以是經去華寺僧行記卷上

誘化一切邑有孤山。師依而結業。剏立蘭若。地本高險。向絕泉源。師積歲崇道。一旦清泉逆出。刺史房仁裕申請寺額。卽以陷泉名之。嘗於道中遇一癩者。引至山中。爲鑿穴給食。令誦法華。癩者素不識字。加又頑鈍。句句授之。終不辭倦。至第六卷。癩病漸愈。經完眉鬚復生。膚已如故。

唐韶州南華寺釋法達。洪州人。七歲出家。長誦法華。後詣曹溪禮六祖。祖問汝誦此經以何爲宗。師云。但依文念。豈知宗趣。祖令取經展誦。師卽高聲誦至譬喻品。祖曰。止此經以因緣出世爲宗。經云。以一大事。

因緣出現於世。一大事者。佛之知見也。若能於相離相。於空離空。一念心開。是爲開佛知見。汝當信佛知見者。卽汝自心。更無別物。莫向外求。與佛無二。乃說偈曰。心迷法華轉。心悟轉法華。誦經久不明。與義作離家。無念念卽正。有念念成邪。有無俱不計。長御牛車。師聞不覺悲泣。亦以偈讚有。經誦三千部。曹溪一句亡之語。從此頓悟玄旨。

唐釋法璿。開元中。於天童山東麓。建精舍棲止。後移居西南隅。之多寶塔。日誦法華經。感天童躡雲升降。捧食來供。遇夜則遶塔行道。人遙見師身與塔之相。

輪等時號爲太白禪師。

唐洛京聖善寺釋無畏。本中印度人也。梵名輸波迦羅。生有神資。十三讓國出家。道德名稱爲天竺冠南至海濱。遇殊勝招提。得法華三昧。所至講法。恒多異相。後附商船遊諸國。密修禪誦。口放白光。時中印度大旱。師爲冥祈。俄見觀音在日輪中。手執軍持。注水於地。時衆欣感。得未曾有。將遊震旦。以駝負經。駝沒於河。師亦隨入。止龍宮三宿。爲宣法要。及出。所載梵夾。不濕一字。開元四年。至長安。敕住西明寺。譯出虛空藏及大毘盧遮那等經。嘗亢旱。上遣祈雨。師盛一

鉢水。梵言數百須臾。有物如蚪。矯首水面。頃之有白氣自鉢起。若一疋素。翻空而上。風霆晦暝。大雨如傾。又嘗靈雨。當時。師捏泥媼五軀。作梵語咒之。卽刻而霽。

唐東陽清泰寺釋玄朗。姓傅氏。梁雙林大士六世孫。幼出家。弱冠納戒。聞天台一宗。盛弘止觀。詣東陽天宮寺。謁慧威法師。修法華三昧。身厭人寰。志棲林壑。惟十八種十二頭陀。隱左溪巖四十餘年。晏居一室。自以爲法界之寬。嘗於殿壁繪觀音賓頭盧像。焚香。斂念。感五色神光。輝映一室。道俗俱瞻。歎未曾有。天

法華經疏

卷五

寶十三年示寂。時號左溪尊者。

唐台山國清寺釋湛狀。荆溪戚氏。年二十。受經於左溪朗禪師。溪大驚異。嘗夢披僧服。掖二輪遊大河中。左溪曰。嘻汝當以止觀二法度羣生。於生死淵乎。乃授以所傳止觀。天寶七載。始解儒服出家。詣吳開元寺。敷行妙法。乃祖述所傳。章句凡數十萬言。大弘一心三觀之教。常與江淮名僧四十人同禮五臺。清涼觀師。帥徒千指迎送。時皆稱歎。有不空三藏門人舍光白師。頃從不空遊歷天竺。遇梵僧云。聞大唐有天台教宗。可以識偏圓。簡邪正。明止觀。可譯之至此。

土耶。師聞之嘆曰。可謂中國失法求之。四維晚歸。台嶺建中二年二月。示衆曰。夫一念無相。謂之空。無法不備。謂之假。不一不不異。謂之中。在凡爲三因。在聖爲三德。自利利人。在此而已。言訖。隱几而化。所著法華釋義。疏記等。盛行於世。

唐越州大曆寺釋神邕。諸暨蔡氏。十二入道。依左溪朗禪師。習天台止觀法。華玄疏。五夏敷演。吳會間學者雲從。天寶中。遊長安。居安國寺。後東歸。出襄漢。有著作郎韋子春者。學瞻氣剛。師與之訥抗。子春折服。中書舍人苑咸嘆曰。師可謂塵外摩尼。論中師子。時

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

人以爲能言。

唐佛隴釋道遲遍覽百家彌精法華大曆年中入京弘化盛有著述能於虛空遊行往來時謂有神足證云。

唐蘇州支硎山釋道遵姓張吳興人參左溪學天台止觀欲廣寫法華經乃於支硎創闢經院舉精行沙門十四人常持法華以燭繼晝用弘大乘教署爲法華道場師於山中鑄盧舍那像及多寶佛塔修淨土當生業造彌陀佛像平時講法華玄義歲無虛日天寶元年於靈嵒道場行法華三昧忽睹大明上燭於等樹塔。

唐潤州石圯山釋神悟隴西李氏幼嬰惡疾開元中於菩提像前爇指懺摩祈遣夙業感異光如月墮隴紺宇所苦頓愈天寶四年出家受具每入法華道場九旬禮念觀佛三昧於斯現前因語門人曰夫陰薄日以何傷風運空而不動苟達於妄誰非性也方結宇於勞勞山東常行禪定夜有山神現形稱是隋故

新成侯久主南嶺。今願以此地永奉經行。言訖不見。十年加趺而逝。闍維得舍利纍纍。粲狀可數。

唐京師大安國寺釋志鄰姓范氏。兗人。母王氏不信三寶。鄰逃東都。依廣受寺修律師。出家。開元十年。思親歸寧。母終已三載。因詣嶽廟。敷具誦法華經。誓見嶽帝求母生處。夜見帝召謂曰。汝母禁獄。見受諸苦。師悲號祈免。帝曰。往鄧山禮育王塔。庶可救也。師詰朝到寺。哀泣禮拜。至四萬。俄聞空中有呼鄰聲。見母謝曰。承汝之力。得生忉利天矣。倏狀不見。

唐京師龍興寺釋楚金。廣平程氏。七歲出家。諷法華。

經進具之年。陞座講法。後因靜夜持誦法華。至多寶塔。品身心泊狀如入禪定。忽見寶塔宛在目前。釋迦分身。徧滿空界。感悟既深。淚下如雨。遂布衣一食。不出戶庭。期六年。誓建斯塔。見千福寺。幽間宏敞。擬造於此。適于福有懷忍師者。忽於中夜。見有一水。發源龍興流注于福。澄清灑澈。中有方舟。又見寶塔自空而下。久之乃滅。及師建言。欣狀歡洽。師每夜至築所。勵精行道。衆聞天樂。咸嗅異香。天寶元載。肇安相輪。感通帝夢。親書多寶塔額。敕賜錢五十萬。塔成有五色雲籠塔上。萬衆瞻禮。師謂同學曰。凡我衆僧。聿懷

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

一志當晝夜塔下誦持法華。沒身不替。凡吟詠蓮經。  
 六千餘部。每春秋二時。集同志大德四十九人行法華。三昧。前後感獲舍利七百粒。至六載。欲藏舍利。預嚴道場。又降一百八粒。畫普賢變像。於筆鋒上。聯得舍利十九粒。莫不圓轉自動。浮光瑩狀。乃取舍利。盛以石函。造自身石影。跪而戴之。同置塔下。表至敬也。師自髫年卽寫法華。嘗血書一部。金字三十六部。墨本千部。鎮塔。又寫一千部。散施受持。靈應甚繁。具如千福碑帖。

唐釋大光。吳興唐氏。歲卽念法華。三月通貫。及出

家。日持七卷。西遊京邑。肅宗召見禁中。敕師誦經。至隨喜功德品。口放五色光。帝大悅。嘆曰。昔夢吳僧口持大乘。五光隨發。今師音容宛同昨夢。因賜名大光。令於千福寺行道。經四七日。梵音遙達宸聽。帝甚異其事。後居藍田精舍。寺僧先期夢天童來降。告言大光經聲。通於有頂。師一日山行。忽墜窮谷。因思本經多寶佛塔。願持此支品。十萬遍。恍惚奮身。脫泉若有神捧焉。後表乞還吳。乃依法華寺松逕築菴以居。日持華偈。用報往願。相國李紳刺吳。興夜宿持經道場。忽見白光滿空。朗狀若晝。隨往覘師。見宴坐持經光。

○起○面○門○如○開○毫○相○經○聲○向○息○光○亦○隨○斂○永○貞○初○示○寂○異○香○三○日○不○散○

唐五臺山清涼國師澄觀。山陰夏侯氏。年十一出家。誦通法華。俊朗高逸。精求秘藏。大曆中。從荆溪湛禪師習天台止觀法。華維摩等經疏解。從上智性。自天祐大曆十一年。誓遊五臺頂禮妙吉。仍往峩眉。備觀徧吉聖像。卻還五臺。換華嚴新疏。窮圓頓之旨。後止中條山棲巖寺。寺有僧短褐狂歌。凡所指斥。皆多應驗。師未至前。狂僧驅衆灑掃曰。不久菩薩來此。先是寺壁所畫散脂大將。及山麋之怪。往往爲患。師旣止。

此寺遂爾絕跡。貞元十五年。敕延師入內殿。升座闡揚華嚴宗旨。乃賜號清涼。師平時恒發大願。其第五願。願未捨執受長誦法華。初造疏時。堂前池生合歡蓮華五枝。一華皆有三節。人咸歎仰。開成三年示寂。全身塔於終南御製有贊。

唐吳郡包山寺釋慧因善法華。金剛講誦精勤。至德中。黃昏時見一人入云。王請法師。遂僵仆。唯心頂煖。七日乃蘇。自云隨使者至一城。城甚宏麗。入覲王。王從數百人。下殿至閣門拜曰。弟子不幸。主世名祿。兼治罪人。甚以爲苦。聞上人善講法華。幸爲敷析。於是

登座講畢。王施絹三百疋。令送歸。傍見百餘僧。指上各生鐵爪相擎。血肉塗地。因驚懼乃蘇。屢狀而起。絹已在房中矣。

唐元和中。有僧入冥。見地藏菩薩。地藏問平生修何業。僧曰。念法華經。止。不須說我法妙難思。爲是說是。不說。僧無對。歸宗代云。此回歸去。轉爲流通。

唐洛陽香山寺釋鑑空。姓齊氏。吳郡人。壯歲困遊吳越間。元和初。餞錢塘荒儉。擬求食天竺寺。至孤山寺西。餒甚不前。因臨流雪涕。悲吟自遣。俄有梵僧。亦臨流而坐。顧師笑曰。法師秀才。旅遊滋味足乎。師曰。旅

遊味則足矣。呼法師何也。梵曰。子不憶講法華經於洛中同德寺乎。師曰。生身四十五。惟盤桓吳越間。又安有洛中之說耶。梵曰。子應爲饑火所燒。不暇記憶。遂探囊出一束。大如拳。授曰。此吾國所產。食之得上智。知過去未來事。師饑甚。食棗拗水飲之。忽欠伸枕石而寢。俄頃乃寤。憶講經同德事。恍如隔宵。因喟狀涕泣。問震和尚安在。梵曰。專精未至。再爲蜀僧矣。神上人安在。梵曰。前願未滿。墮戎馬間。悟法師安在。梵曰。豈不記香山石像前。戲發大願。若不證無上菩提。必願爲赳赳貴臣。昨已得大將軍矣。當時雲水五人。

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

唯吾得解脫。獨汝爲凍餒之士。師泣曰。某四十許年。  
 日唯一食。擁一褐。浮俗之事。決斷根源。何期福不完。  
 乎。坐此饑凍。梵曰。由師子座上廣說異端。使學空之。  
 人心生疑惑。戒珠尚缺。痘氣微存。形偃影曲。報亦宜。  
 肀師曰。爲之奈何。梵曰。今日事定矣。他生之緣。警於  
 子焉。乃探囊取一鑑。謂師曰。欲知貴賤之分。修短之。  
 期。佛法興替。子宜一鑑。師照久之。謝曰。報應之徵。榮。  
 枯之理。謹聞命矣。遂相挈行數步。忽失梵僧所在。師。  
 是夕投靈隱寺出家。受具足戒。專誦法華。愈高苦節。  
 後詣洛陽。遇河東柳珵說其事。且曰。吾生世七十有。  
 昌武宗沙汰事也。

唐釋守素。居長安興善寺。恒務誦持。誓不出院。誦法。  
 華經三萬七千部。夜常有貉子馴擾聽經。齋時鳥雀。  
 就掌取食。院庭有青桐四株。元和中。卿相多來遊者。  
 青桐至夏發汪。頗汙人衣不可浣。鄭相國絅嘗欲伐。  
 之。師祝樹曰。汝以汙汙人人。將伐汝。能無汙則免矣。  
 自爾樹汙果絕。長慶初。有僧玄幽題此院云。三萬蓮。

法華持騷經

卷上

經三十春半生不踏院門塵當時以爲實錄。

唐釋無言姓李精密教法嘗持一鋐鉢入定欲晴則  
鉢內火光燭天遂霽欲雨則鉢內白氣上升遂雨蒙  
氏封爲灌頂法師一日講法華有老翁立聽畢乘風  
雲去衆驚問之曰洱水龍也

唐釋妙行精天台教觀既入居泰山結草爲衣拾果  
爲食行法華三昧感普賢現身證明後於一夕見琉璃  
地佛與二菩薩涌立空中僖宗聞其名詔賜常精進號  
後一日再見寶地謂左右曰吾無觀相而寶地復見安養之期至矣卽日右脅安臥而逝。

唐釋遂端明州張氏捨家依德潤寺師授蓮華經誦  
猶宿習人皆駭歎十二時間恒諷不輟咸通二年忽  
結跏坐而化須臾口中出青蓮華七莖芬馥香潔遠  
近瞻禮於是造龕穸東山下經二十餘年屢見光發  
及啓視形質如生遂迎還寺漆紵飾之今號真身院  
唐釋元慧居嘉興法空王寺生平誦法華不計其數  
立志持三白法三白者謂身不妄動口不妄語意不  
妄緣爲三白業時稱三白和尚咸通中送佛骨舍利  
往鳳翔煉左拇指口誦蓮經其指不踰月復生

唐汴州廣福寺釋功迥汴州浚儀人六歲時母口授

法華指掌疏

觀音經。累日而度。十六捨俗。入泰山事弘法師。少欲自節。衣布坐茅。師自惟曰。拱默山林。一途獨善。至於維持餘寄。非化誘不弘。遂南叅止慧福寺。專誦法華。撰疏五卷。常爲敷演。一日普賢現身。乘六牙象地。皆銀色。前後講法華五十餘遍。每至藥草品天。必澍雨。唐衡州釋楚雲。生唐末。出家衡嶽。嘗刺血寫蓮華經。一部長七寸。廣四寸。而厚半之。作旃檀篋。藏於福嚴三生藏。又刻八字於其上。曰。若開此經。誓同慈氏皇祐間。有貴人遊山見之。疑爲妾。使人以鉗發之。有血如綫出焉。須臾風雷震山谷。烟雲入屋。相捉不相見。

彌日不止。貴人大驚。投誠懺悔。宋筠溪石門寺僧覺範。嘗經遊往頂戴之。細看血綫依狀。同時禪月師貫休。有詩贈之曰。剔皮刺血誠何苦。爲寫靈山九會文。十指瀝乾終七軸。後來求法更無君。

唐貞觀中。長安悟真寺僧。夜如藍溪。忽聞有誦法華經者。其聲纖遠。月下四望。聞狀無覩。僧慘狀有懼色。還寺白羣僧。明夕俱往聽之。乃聞經聲自地中發。遂以標表其所。翼日窮表下。得一顱骨。在積壤中。其骨槁狀。獨唇召與舌鮮。而且潤。遂持歸。以石函置佛殿西軒下。自是每夕常有誦法華經聲。出石函中。長安

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

士女觀者千數。後爲新羅僧竊函去。

唐孫咸爲襄州梁崇義將校。雖在兵中。恒虔寫法華經。一日暴卒。信宿却甦。言至一王府。儀衛甚嚴。吏引一僧對事。僧號懷秀。亡已經年。在生犯戒。入冥無善可錄。乃謬云。我嘗囑孫咸寫法華經。敕咸對理。咸初不省。對以無有。僧固執之。不決。忽見地藏謂曰。汝若招承。亦自獲佑。咸依言。乃得放還。方對勘時。見一戎王自外來。從者數百。冥王降堦迎入。升殿坐。未幾。爲大風卷去。又一人常持金剛經。狀好食肉。左邊有經數千軸。右邊積肉成山。以肉多。將論罪。俄經堆中出。

火一星飛向肉山。頃刻銷盡。此人遂履空而去。咸問地藏。向來戎王風吹何處。地藏云。彼王當入無間此風。卽業風也。因引咸看地獄及門。煙焰爛赫。懼不敢視。忽鑊湯跳沫。滴落左股。痛徹心髓。地藏令吏送之歸。妻子環泣。已一日矣。遂破家寫法華經。矢志出家。所滴處成瘡。終身不愈。夫懷秀謬言。尚得免破戒之罪。况生前真實寫經者乎。地藏以招承諭咸。或僧有宿善。致之咸受鑊湯之厄。安知非業。而始終蒙地藏指示。竟得回生。則寫經之功德。又昭昭矣。

唐河東練行尼。名法信。常讀法華。特造淨室。訪工書

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

法華持驗經

寫此經價酬數倍極力莊嚴一起一沐狀香更衣七卷之功八載乃就貞觀二年龍門寺僧法端集衆講演欲借尼經以爲楷定尼固不與端責之不得已自賚送端端開讀惟見黃紙了無文字慙懼送還尼悲泣受之以香水洗函熏沐頂戴遶佛七日既而開視文字如初又尼法潤住丹陽三昧王寺自少入道精修禪慧通誦蓮經宵旦無歇終後皮肉俱盡惟心舌不朽

唐岑文本字景仁棘陽人少信佛誦法華普門品嘗乘舟往吳江中流舟覆人俱溺死文本亦沒水中俄齋復於枕得舍利二粒後仕唐爲中書令

唐黃門侍郎王淹生而魯鈍法華一部久方通誦後病逝見夢於弟新安太守固云予以誦經故得生西方狀因魯鈍尚在鍊葉蓮華胎內告汝等知勤心經典勿懈息也言已而別

唐隆州令狐元輓巴西人敬信佛法依杭禪師教書法華經一部箱帙嚴好虔供岐州庄所一夕爲野火

延燒。庄屋俱燼。軌令撥灰。取金銅經軸。則見外箱已  
灰。經獨宛狀。潢色不改。貞觀五年事。

唐貞觀中。河南董雄爲大理丞。坐李仙童事。上震怒。  
使侍御韋悰。鞠問甚急。大理李敬玄。司直王忻等數  
十人同繫獄。雄專念法華普門品。日誦三十遍。夜亦  
不息。枷鎖忽自解。驚告守者。其夜監察御史張守一  
直宿。親視甚怪之。更鎖嚴封而去。雄仍誦經。五更鎖  
復解。落地有聲。而封題如故。臺中內外聞者。奇之事  
平。同舍囚俱獲免。

唐長安縣福水南史村。有史阿誓者。生平誦法華經。

名充令史。往還步涉。未嘗乘騎。蓋依經云。哀憫一切  
故也。臨終有異香。人咸異之。後十年。妻亡。發塚合葬。  
舌本如生。

唐右監門校尉李山龍。馮翊人。武德中暴亡。惟心尚  
煖。七日而甦。云至一官署。有囚千數。皆鎖繫北面立。  
王問山龍。平生作何福善。山龍云。鄉人建會。恒以物  
施之。又問。更作何德業。龍云。誦法華經。日兩卷。王起  
立曰。大善。可陞階就東北高座誦之。龍卽舉聲開經。  
曰。妙法蓮華經序品第一。王曰。請止。君誦經非徒自  
利。乃令庭中諸囚聞法。獲免善哉。諸囚遂忽不見。令

放龍還東行見一鐵城甚廣大吏曰此是大地獄中有分隔各隨本業赴獄受罪山龍聞之悲懼稱南無佛請吏求出俄見旁有人坐臥龍問之云此輩罪報應入鑊湯蒙賢者稱南無佛諸罪人暫得一日休息爾。

唐長安高表仁之孫常讀法華龍朔三年正月乘馬出順義門有兩騎逐之稱是冥使特來追卿高惶怖西走欲投普光寺鬼疾前阻門不令入又西走欲入開善寺鬼復前阻遂相從馳入醴泉坊一騎在前高以拳擊墜之後鬼怒遙挽高髮擲下馬家人輿還至

晚乃蘇自云備見冥王王云汝何盜取僧果復說三寶過高伏罪無敢言王云盜果之罪合吞鍊丸四百五十枚四年受之乃盡說過之罪合耕其舌因放還言已復絕口如吞物狀通身炮赤經日方醒如是四年吞丸報盡忽復氣絕神至王所王命鬼使拔舌耕之鬼拈鉤鑿銚利異常終不能及王乃簡案知曾讀法華力舌不可出遂免罪放還自後常于化度寺行五悔法以懺前愆

唐京師人潘果年弱冠任富平縣都水小吏及歸家與少年數人遊野外見一羊食草果與少年捉之歸

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

羊中路鳴喚。果懼主聞。拔其舌。殺食之後一年。果舌漸消縮。陳牒解吏職。縣令鄭餘慶疑其詐。使開口驗之。見舌根僅如豆許。不盡。問其故。取紙書以答之。縣令教寫法華經爲羊追福。果如言發心書寫。齋戒不怠。後一年。舌漸得生。平復如故。又詣官陳牒。縣令用爲里正。

唐少常伯崔義起。妻父蕭文鏗。素持法華滿數千遍。永斷葷茹。妻蕭氏以龍朔三年五月亡。三七日修齋。婢素玉忽作夫人語。謂生時不信三寶。今受苦不可言。錄汝輩爲我誦經修齋。得暫放歸。至第二十日更

來。將素玉去看。我受罪及期。玉果死。三日而甦。曰。見大城宮府。夫人入別院。須臾火鏤鐵牀併至。備受楚毒。忽見鑿坐蓮華臺。語素玉曰。我女生多嗔妬。不信我言。不信因果。今受此苦。我無能救。汝歸可語家人。令修功德。庶得解脫。又見梵僧從空中下。教玉誦法華經。謂曰。汝當記持此經。爲閻浮提人傳誦。當有信者。麟德元年正月。薛將軍宅設齋迎玉。試誦冥經。有梵僧聞之。合掌嘆曰。如西國本不異。衆始驚服。

唐馬郎婦者。出陝右。先是此地俗習騎射。不知有三寶名。元和十二年。忽有美艷女子。擎籃鬻魚。人競欲

娶之。女曰。有一夕能誦普門品者。則吾歸之。黎明誦徹者二十餘輩。復授以金剛般若。且通猶十人。乃更授法華經全帙。期以三日通徹。獨馬氏子能。乃具禮迎焉。入門。女稱疾求止別房。須臾便死。體卽爛壞。遂瘞之。數日有紫衣老僧至葬所。命啓視。惟黃金鎖子骨存焉。謂衆曰。此觀音大士憫汝輩障重。故垂方便示現。以化汝耳。言訖。飛空而去。見宋潛溪像贊序一本作普賢

唐黃氏二女。晉陵人。幼聞人誦法華經。傾聽久之。曰。吾解此義矣。遂能深談實相之旨。後入京師安國寺爲尼。長名持法。次名慧忍。同修法華三昧。忽有尼號梁肅記。

唐武德中。都水使蘇長授巴州刺史。渡嘉陵江。中流風起。舟覆。諸人一時同溺。惟一妾常讀法華經。及水入船。乃頭頂經函。誓與俱沒。已而獨得不沉。隨波泛泛。頃之至岸。捧函而上。開視了無沾濕。妾竟以全。又淮寧城北。有姑嫂同誦法華聲如金玉歎。後塚生紅蓮。一朶開敷妙盛。後人因於其地建華臺寺。

法華持驗紀

正義。持經。持法華。持金。不識。持金。人。龍。頭。鑿。口。銅。頭。不識。持金。尾。長。身。人。十。目。持。金。一。手。持。金。大。身。中。諸。水。火。持。金。四。眼。持。金。史。持。金。公。中。諸。

卷下

歷朝法華持驗紀卷下

同善道人周克復纂 男周石校

同善道人周克復纂

男周石校

五代成都大慈寺有僧恒誦法華經。一日入青城山。採藥沿溪越險。忽雲霧四起。不知所適。有頃雲散。見一閣跨溪。甚崇麗。僧至門。僕人入報。出曰。先生請師誦所業。經。僧。朗。聲。誦。至。寶。塔。品。先。生。野。服。藜。杖。兩。眉。垂。肩。焚。香。揖。聽。良。久。誦。已。設。林。飯。杞。菊。馨。若。甘。露。覲。金。一。錢。僕。送。至。中。途。僧。問。何。姓。名。僕。曰。此。孫。思。邈。先。生。也。僧。方。嗟。嘆。僕。忽。不。見。復。尋。索。三。日。竟。迷。舊。處。歸。

1 2 3 4 5 6 7 8 9 100

視所覲。乃金錢也。繇茲一餚。身輕無疾。唐史云。邈百五十歲。至請誦經時。距前又三百年矣。出湘山野錄。吳越錢塘永明寺釋道潛。蒲津武氏。嘗於山齋行三七日。法華懺。忽見普賢御象在塔寺三門亭下。其象鼻直。枕行懺所。漢南國錢王建慧日永明寺。請師居之。嘗閱大藏經。晏坐中見文殊現形。後禮阿育王塔。跼而頂戴。淚下如雨。俄見舍利在懸鐘外旋達而行。師悲喜交集。建隆二年。坐化閣維。舍利甚繁。建塔藏焉。塔頂放白光。如初化時。

吳越永明寺智覺禪師。諱延壽。丹陽王氏。遷居餘杭。

總角時誦法華經。七行俱下。感羣羊跼聽。二十八歲爲華亭鎮將。以官錢放生。坐罪當死。臨刑顏色不變。文穆王異而釋之。令出家。依四明翠巖禪師。居龍冊寺。執勞供衆。日惟一食。長坐不臥。未幾謁天台韶國師。止國清寺行法華懺。中夜見普賢菩薩執蓮華。忽授師手。又於台嶺天柱峰。九旬習定。見觀音大士灌以甘露。遂獲辨才無礙。建隆二年。忠懿王請居永明道場。僧問經云。一切諸佛及諸佛法。皆從此經出。如何是此經。師曰。長時轉不轉。非義亦非聲。問如何受持。師曰。若欲受持者。應須着眼聽。居永明十五載。衆

常二千。署智覺號。開寶七年。入天台山度戒。約萬餘人。常與七衆授菩薩戒。夜施食。朝放生。六時散花行道。日課一百八事。未嘗暫廢。餘力誦法華經。計一萬三千部。皆悉回向莊嚴淨土。時號慈氏。下生著宗鏡錄百卷。以會天台賢首慈恩異同之旨。又著心賦。惟心訣。萬善同歸等錄。嘗夜往別峰行道。空中時聞螺貝天樂之聲。開寶八年二月。年九十八。焚香跏趺而寂。塔於大慈山。冥王繪像頂禮。具如別傳。

吳越溫州大雲寺釋鴻楚。永嘉唐氏子。生而符彩翛然。出俗。錢武肅王於乾化初年。延師居龍興寺。開度

戒壇。賜紫不受。時詩人鄭訖南遊。親炙高行。詩贈師云。架上紫衣閒不著。案頭金字坐長看。師講法華經。計五十餘座。一日講堂中忽生蓮華。重栱複葉。香氣芬芳。至今永嘉推爲僧寶。

吳越杭州龍興寺釋可周。晉陵傅氏。出家遊豫章。窮究法華。慈恩大疏已詣龍興寺。開演法華。緇白恒數百人。錢武肅王命師於天寶堂。夜爲冥司講經。往往見諸鬼神現形扈衛。嘗有巫者祭銅官祠神。久請不下。後附巫語云。吾從大神天寶堂聽法方迴。武肅異之。賚師金如意併鉢。賜號通明。著法華序鈔一卷。

1 2 3 4 5 6 7 8 9 90 1 2 3 4 5 6 7 8 9 100

晉宣州應瑞院釋自新濯戒尋師研精法華曾無懈  
廢嘗入宣城山采藥穿洞深去始昏闇尋見日明行  
數里洞側有別竅溪水泛泛狀見大松下有草菴一  
僧雪眉擁衲坐禪旁有一磬并火器師擊磬僧遂出  
定開目驚曰嘻師何緣至此乃陳行止僧揖坐取石  
敲火煎茗香味可愛日夕僧讓菴令師宿顧其僧上  
松巔大巢內聞誦法華經聲甚清亮頃之僧叱罵曰  
此隊畜生今作毛類何苦生人恐怖速歸林薄不宜  
輒出師窺之見羣虎豹弭耳而去及曙僧下松來相  
慰師請侍巾履僧曰自此百見草枯四絕人烟非師

棲息處又問莫餓否溪畔有稻百餘穗收其穀挪三  
掬米挑野蔬和煮與食遣回送至洞口云相遇非偶  
狀也所食茶與菜糜平生卽不乏食矣師遂遵路回  
本院已月餘日乃命同好再往尋之失洞所在吳越  
文穆王天福中事

周齊州開元寺釋義楚湘州裴氏七歲捨家禮法華  
經字字各拜拜且徹部俱舍一宗臻微造極纂釋氏  
六帖始從法王利見部終師子獸類部蔚爲巨編顯  
德元年敕付史館初師著纂兩目喪明醫工莫療遂  
冥心懺過如是虔虔無間再歲還明人謂爲微感焉

宋釋紹巖。雍州劉氏。凡百經書覽同溫習泊入吳會。於杭州水心寺挂錫。恒諷法華經。不捨晝夜。俄感陸地生蓮華。舉城瞻矚。建隆二年。經願云滿。誓效藥王焚身時。漢南國王錢氏固留乃止。尋復投身曹娥江。用飼魚腹。有若神人扶足驚濤。迅激如坐寶臺。王乃造上方院。請師居之。開寶四年。語侍人吾誦蓮經。及二萬部。決以安養爲期。今幸遂懷言已。趺坐而化。茶毘舍利無數。遺骨猶玉瑩狀。

宋釋義寂。永嘉胡氏。童年誦法華經。匝月而徹。受具已。謁台山竦法師。研尋止觀。嘗寓四明育王寺。夢登

國清上方。有寶幢座。題曰文殊臺。外隔欄楯。欲入不可。俄見觀音從內出。低回相接。自後樂說無盡。遂於佛隴國清。相繼講訓。及興螺溪道場。學侶雲擁。太平興國五年。詣黃巖浮江放生。講流水長者品。至海門靈石。重新智者冬居道場。鬱爲名刹。生平講法華。凡十餘座。甞越俗尚畋獵。自聞師誨。咸投弓裂網。說法之功。得未曾有。

宋釋義通。姓尹。高麗國族。梵相異常。眉長五寸餘。幼出家龜山院。晉天福時。來遊中土。至天台雲居韶國。師所。忽有契悟。及謁螺溪。聞一心三觀之旨。乃歎曰。

圓頓之學畢茲歟矣。遂留受業。久之欲泛舶東歸。四明守錢惟治固留之云。但期利生。何必雞林乎。師遂止傳教院太平興國六年賜額爲寶雲。師敷揚教觀。幾二十年。端拱元年右脇而化。

宋釋晤恩海虞路氏子長興中詣崑山慧聚寺學南山律。後聞天台三觀冥符玄解。遂造錢塘慈光院志因師講習彌年。法華光明止觀論咸洞玄微。雍熙三年八月夢擁衲沙門執金爐焚香三達其室。自言祖師灌頂來此相迎。夢覺猶聞異香而西合掌而化。院中皆聞空際絲竹鈴鐸之聲。依稀西去。

宋汝州首山釋省念。萊州狄氏受學於本郡南禪寺。徧遊叢席常密誦法華經。衆目爲念法華也。晚侍風穴。一日師與真園頭同問訊次。穴問如何是世尊不說。說真曰。鵝鳩樹頭鳩穴曰。汝作許多癡福作麼。何不體究言句。又問師。師曰。動容揚古路。不墮情狀機。穴謂真曰。汝何不看念法華下語。淳化三年十二月四日上堂說偈。有今年記却來年事語。至四年月日無爽前記。仍上堂說偈曰。諸子謾波波過卻幾恒河。觀音指彌勒文殊不奈何。良久泊狀而化。閻維得舍利五色。

宋釋知禮號法智。金姓。四明人。從寶雲通師傳天台教觀。淳化間。道化大熾。學徒如林。力行法華。般舟三昧。期生安養。嘗結十同志修懺。三載期滿。將焚身以報妙經。楊文公億。李公遵。勗奏賜紫及法智大師號。奉旨勸請住世。門人本如。請益經王之旨。師曰。汝爲我作三年監院來。如依言。三年竟復諮問。師震威一喝。如鎧狀。乃呈須曰。處處逢歸路。時時復故鄉。本來成現事。何必待思量。其隨機開悟如此。師終身修懺。三七期滿七遍。天台一宗。師爲準的。著妙宗鈔。大彰觀心觀佛之旨。天聖六年歲旦。建光明懺。至五日。召

衆說法。驟稱佛號數百聲。結跏坐脫。露龕二七。顏色如生。爪髮俱長。舌相不壞。如蓮華狀。趙清獻公忤其塔。自龍樹傳北。齊文文傳南。獄思思傳天台顎下。迨法智爲台宗十七祖。

宋靈隱天竺寺釋遵式。字知白。寧海葉氏。入國清於普賢像前燼一指。誓傳天台教觀。雍熙初。謁寶雲通師。慧解秀出。智者諱曰。熾頂誓力行四三昧。還天台。以苦學嘔血。毅狀行道。滿七七日。忽如夢見觀音垂手。師口引出數蟲。復舒指注甘露於口。身心清涼。宿疾頓愈。祥符八年。移居天竺。天禧中。王文穆公撫杭。

首訪師山中。請講法華。及心佛。衆生三法。如義才辨。清發公嗟賞不置。請賜慈雲號。於寺東建日觀菴。爲運想西方之法。依無量壽經。述往生淨土懺儀。及行願法門。盛行於世。常行法華三昧。以九十年爲期。感應非一。建光明懺堂。每架一燎。必誦大悲咒。七遍。屢經兵火。蠭狀獨存。願力致也。天聖十年示寂時。號慈雲懺主。

宋開寶寺法華大士志言。自云壽春許氏。弱冠遊東都。得度於七俱胝院。一日讀雲門錄。忽契悟。未幾宿命遂通。梵相奇古。直視不瞬。口吻袞袞。不可識。日常

不輟。居恒樂誦法華經。因以爲號。臨化時。語人曰。我從無量劫來。成就逝多國土。分身揚化。今南歸矣。遂怡狀而逝。仁宗嘗夜焚香嘿禱云。翌日請法華大士於化成殿齋。清旦內侍奏言。法華自右掖門徑趨將至寢殿。呵不能止。上笑曰。朕請而來也。及至。徑升御榻。趺坐受供。上以儲嗣爲問。索筆大書。十三十三。後英宗卽位。乃濮安懿王第十三子也。呂文穆蒙正請言法華齊。問未來休咎。但索筆書。亳州二字。及罷相。知亳州。始悟前識。

宋東掖山能仁寺釋本如。四明句章人。幼依法智。辟

符四年至東山大弘教觀講法華光明觀無量壽等經皆六七過又集百僧修法華長懺一年嘗於山西南見一虎臥以杖擊之曰此非汝住處虎俛首去後於虎臥處結菴歸間其中先有五通神居此師每禪坐輒連牀昇行空中師慕廬山之風與郇公章得象諸賢結白蓮社慶曆年中敕賜號神照及紫方袍賜寺額曰白蓮後說法訣別江上人見雲端有僧西去嘉定四年遷葬時已二百年矣發函慈顏儼狀鬚髮長垂舍利滿龕

宋靈隱天竺寺釋祖韶天台劉氏十九誦通法華入

東掖參慈雲盡得奧旨惟行法華三昧用爲常課嘗修光明懺百晝夜至期將半忽見旌幢滿前導者呼爲大辨尊天師卽前揖天曰師傳通大乘利益弘多言訖而隱又道出淮泗夢僧摩頂曰吾文殊和上也示汝五無生義旣覺五藏豁然如咀冰雪

宋釋有嚴臨海胡氏十四往東山依神照習天台教觀紹聖中隱居赤城東峰結茆櫧木之下因自號曰櫧菴行法華三昧水旱禳禱一爲持誦奇應如響母病目師對觀音大士想日精摩尼手母卽夢師擎日當前覺而目明一日定中見天神告曰師淨業成矣

又夢池中生大蓮華。天樂四列。乃作西歸自餞。一篇示衆。後七日加趺而化。塔上有光如月。三夕方隱。宋釋處咸。天台王氏。受其後。念佛法廣大。若不力學。何能見道。卽入天封閣藏經。三年而畢。往謁神照。深悟教旨。後主白蓮寺。傳天台教觀。常修法華三昧。元祐元年七月。召衆出衣盂散之曰。吾二十三日當還淨土。戒侍者晨鐘鳴當告知。至時徐起趺坐而寂。楊次公爲贊。有曰。遺書封了。加趺坐。不住白蓮。生白蓮。宋釋靈照。東陽盧氏生。而誓志空門。未踰月通法華光明二經。負笈教庠。精研天台三觀。晚止華亭超果。不壞舍利無數。

寺元豐中。結諸善侶爲淨社。以效東林之風。嘗夢見彌陀三聖。師跪問一生誦經。祈生淨土。爲果願否。觀音指曰。淨土不遠。有願卽生。勿復疑之。又於靜夜誦經。夢覩普賢。因發心造菩薩像。誓誦蓮經一萬部。以嚴淨報。一日定中見有異相。遂累足而逝。闔維舌根不壞。舍利無數。

宋釋可久。居四明開元寺。常誦蓮經。時號久法華師。與蘇文忠公軾遊最稔。常居西湖祥符蕭狀一室。清介守貧。當九曲觀燈。公去從者獨行入師室。了無燈火。但聞瞻荀餘香。公仰歎留詩。有不把琉璃閒照佛。

法華。持。勝。經。

始知無盡。本非燈之句。元祐八年。無疾坐化。三日復甦。云。吾已神遊淨土。見彼土相與十六觀經所說莊嚴。一同七寶池中所有蓮臺。皆書當生者姓名。一紫金臺書成都府廣教院勳公已生其中。又一金臺書明州孫十二郎。一書可久。又一銀臺書明州徐道姑。言訖復化去。後五年。徐道姑亡。異香滿室。又七年。孫十二郎卒。時聞天樂迎空。皆如師所云。

宋溫州法明院釋繼忠。永嘉丘氏。八歲得度。詣南湖依廣智洞悟教觀行。法華光明三昧。日無虛晷。却病除祟。神應莫測。元豐五年。集衆說法而逝。赤光照微。

空表淨社全教夢。金甲神人告曰。忠法師已生兜率。宋釋思照。錢塘陽氏。參神悟有契。既而刺血書法華。七軸築小菴曰德雲。專修念佛三昧。凡三十年。宣和元年春。一夕見佛現金色身。卽結印坐化。師誦蓮華經千部。淨土七經一字一禮。又禮法華十過。苦行無兩。

宋明州釋中立。鄞之陳氏。卯歲出家。賜號明智。熙寧中居南湖。繼神智席。日宣止觀。元祐中再主延慶寺。修法華三昧。懺法者七年。行法將圓。一日於禪觀中。見大舟。衆欲乘不可。惟師坐其中。以行。自是辨慧泉。

法華、掛驥、綵

二

涌師誦法華踰萬部。禳救災旱靡不神驗。永嘉扶宗謂師曰。吾嘗見大摩利支韋馱於夢中求護法。它日幸於懺堂置位。及師主懺乃立像自師始。陳瑩中嘗讚師曰。嚴淨木叉。堅持淨慮。以身爲舌說百億事。宋姑蘇無量壽院釋淨梵嘉禾竺氏元祐初主姑蘇大慈凡講法華經十餘遍。大觀中結二十七僧修法華懺。每期方便以二十八日爲期。如此三會。感普賢受戒羯磨。至呼淨梵比丘。則洪音震響如撞巨鐘。三昧將圓。有二僧作禮曰。今春至石橋禮聖迹。忽見空中散花異香非常。一僧遽云。姑蘇梵法主期懺散華後有舍利五色。

宋釋覃異。餘姚杜氏。幼出家龍泉寺。已習天台教觀掩關專修淨業。誦法華經滿五千部。普賢觀彌陀經各萬卷。日持佛號不絕。崇寧初。焚香告衆曰。吾生淨土時至矣。當乘金剛臺隨佛西邁。願勉力進修可得相見。言訖。泊狀而化。

宋會稽道味山釋宗利會稽高氏旣具戒往姑蘇依  
神悟修法華懺要期三載俄見普賢乘空過前尋詣  
新城碧沼專修念佛三昧政和元年天旱禱雨感龍  
王現金色身甘雨霑足建炎末居道味山繫心淨土  
至第三夜繪像頂珠忽放光明一日告弟子曰佛來  
也吾將歸安養矣卽書偈有一相道人歸去來金臺  
坐斷乾坤窄句奄狀而化

宋溫州釋道琛、樂清彭氏，十八具戒。至南湖依圓照於禪定中。見四明尊者坐禪榻上，深談法相。自是心地豁然，因行法華三昧，感普賢大士放光，慧辨愈加。

有久病者爲說法施食。多獲痊安。紹興末。忽集衆諷觀經。晨夜不絕。衆聞異香盈室。師曰。佛來接我。卽沐浴更衣。令衆諷安樂行品。未訖。嗒然坐化。留龕踰月。

宋釋從雅，錢塘人。始從海月學通止觀，遂入南山天王院誦法華經二萬餘部。誦諸經及禮佛至百萬拜。禮法華經一字一拜者三過。心期淨土。一生坐不背西。其精誠如此。憲使楊傑爲製安樂國三十讚贈師。其一云：淨土周沙界，何勞獨指西。但能從一入處處是善。提師於淨住寺圖九品三昧，鐫讚於石。人多感

化後無疾坐逝。感異香天樂咸謂西聖來迎之兆。宋釋舍瑩稟天台教觀。嘗以銀書妙蓮經遇佛菩薩。則用金字。世稱爲法門至寶。建炎中。金寇至。院宇焚蕩於瓦礫中。尋獲此經。不損一字。

宋釋祖南居南嶽之雲峰。刺血書阿彌陀經五百卷。金剛經一百卷。法華經十部。終二十七年。皆用血書。末年血乾骨立。念佛聲不絕。一日在方丈坐化。眉間迸出舍利。隨取隨生。

宋喻思淨錢塘人。自號淨土子。早侍瑛法師講法華。後常持誦。專心念佛。暇則畫佛像。凡畫必於淨室寂想。見彌陀光明。乃下筆。紹興丁巳歲。端坐七日。一心念佛。漠狀化去。

宋徵士左伸。天台臨海人。從神照授菩薩戒。鑄西方三聖像。旦夜虔事誦。法華經三千四百部。金剛般若二萬卷。紹聖二年秋。命沙門唱法華首題。增受菩薩戒。尋夢三偉人立江皋。召伸登舟。卽請僧誦彌陀經。遽曰。我已見佛光。端坐化去。

宋仁和范儼。當時蔬食。世緣淡狀。云。我自是旅泊耳。日誦法華。復手書經一部。備極莊嚴。大觀中。忽見普賢乘六牙白象。放金色光。謂儼曰。汝嘗誦法華。念阿

彌陀佛得生淨土故來相報。越一夕覩衆聖授子就座合掌而逝。

宋汴京張慶祥符中爲司獄常以慈慎自持日躬侍掃滌暑月尤勤飲食湯藥臥具必加精潔每戒其徒曰人不幸罹於法我輩若不知所恤則罪者何所赴訴生平持誦法華經每遇重囚就戮必爲齋素誦經一月乃止嘗教獄囚有罪當自認毋誣良善以重已

孽妻袁氏年四十八染疫死三日忽甦曰我始至一穢所思得清涼處忽見白衣大士謂曰汝不當至此且尚未有嗣汝夫多陰德子孫當有興者乃以手挈

之出得甦明年生子亨官三班借職慶年八十二無疾終六孫皆顯官號世族。

宋無爲軍使李遇素誦法華忽昏夜途值羣鬼侮之俄見一老叟布袍草履厲聲叱云此人常誦法華不得相犯鬼遂散老人亦不見

宋刑部都官陸沅號省菴居四明之橫溪每晨起卽澡漱入淨室焚香趺坐誦法華經日不他瞬首唱偈曰盥手清晨貝葉開不求諸福不禳災世緣斷處從他斷劫火光中舞一廻卽開卷而誦聲如貫珠日一遍者三十年年登八十增至三部賦詩見意有清晨

三度到靈山之句。凡誦九千四百八十五部。又閱毘盧大藏。凡台宗律部。少室心宗。無不博究。復誦彌陀聖號。一意西馳。紹興五年四月。年八十五。沐浴冠服而化。忽聞口鼻間出蓮華香。郁狀彌日方息。宋晁待制說之。字以道。嘗往湖南訪明智。聞三千境觀之說。欣然願學。晚年日課蓮經。不輟。自號洧上老。

宋張秉知冀州。一巨盜劫民財，又亂其女，秉忿極，設架釘於門，三日醢之後，感痘疾，一日方午劇發，忽見中使來宣秉，乃力疾促轡，至一寢殿，聞先帝真宗厲

聲簾中曰。張秉何得非法殺人。自與本人對辨。引至殿西南隅。啓獄扉。囚繫萬狀。始悟非人世也。一鐵校罪人。血肉淋漓。泣訴曰。汝用非法殺我。肢體零散。永無受托奈何。秉方認冀盜詬曰。汝所犯豈止一死。雖糜萬軀。亦不足塞女恥。敢更訴乎。旁有一胥。乃秉從事河陽日故吏也。曰。五刑自有常典。亦不得憾其訴。秉曰。奈何。吏曰。但遣之。托生公可却還。秉懼。詢遣之之術。吏曰。無如法華經。但至誠許之。秉遂許歸日。召必多。但誦貴長。久日請一僧誦一部。許終其身。乃可。

遣也。秉如言許之。果不見。三日後。神方還。乃日召僧誦一部。至沒不廢。出湘山野錄。

宋遂州姜學士弱冠暴亡。冥王責曰。汝前生爲善。今世該八十二歲。丁丑舉進士。位歷公卿。不合殺牛食肉。以致算減祿絕。汝豈不聞。海州七日夜雷雨。天降石鼓之記乎。記曰。六畜皆前業。惟牛最苦。辛君看橫死者。盡是食牛人。言畢。旁一吏謂曰。汝宜急求還魂。政過。否則判入地獄。無出期矣。姜求指示。吏曰。陰府最敬人書寫受持妙法。蓮華經及金剛經。太上感應篇。汝若發心可得脫免。姜依言乞還魂改過。書經養利記。

親冥王允之。遂得再生。自後孝養二親。奉姪殺戒。書經持。常述其事。勸人感化。日衆後登第。仕至學士。宋南海潘冕者。佯狂不測。人謂之潘益。蓋俚語。謂心風爲益也。益每與京師人說法。華偈。頌往來日客。一異人云。益卽日光佛。有趙棠。初爲幕官。棄任從益遊。盡得其道。益卽隱去。棠亦坐化。焚身得舍利數升。蘇文忠公軾與棠子昶遊。得四十八粒。嘗作趙先生舍利記。

宋湖州城南屠戶陸翁。年二十三時。見一雲水僧至門口。稱教化有緣人。陸不領解。僧云。汝殺牛羊無數。

何不改業。陸云承襲祖業。遽難棄捨。僧曰汝不改後世必墮此類。仍受冤報無有出期。吾觀汝宿有善根可亟專心受持蓮華經及金剛經消除惡業增長善福。言訖忽不見。陸遂省悟持齋誓不宰殺繪阿彌陀佛觀音勢至像一軸虔裝供養投師習誦二經未及五年自能暗誦每日於佛前焚香誦蓮經一部金剛經一卷懺悔願度所殺衆生早生淨土年八十一將辭世半月前徧約親友於十一月初九日具蔬相別及期俱赴齋罷忽索浴更衣端坐作頌而化頌曰六十餘年離殺業手拋刀秤暗修行今朝得趣菩提路。

### 水裏蓮花火裏生

宋朱氏如一幼歸四明薛氏年二十餘卽清淨自居道裝素服蕭狀林下繡妙法華經七軸十年而成至化城喻針鋒綴舍利如粟連獲數十粒一句一字凡唱禮者三及繡彌陀三聖像極爲奇妙諸大乘經誦若建瓴嘗銃木爲圖勸人念佛所化之數盈二十萬紹熙四年示微疾醫進丹砂曰吾往生決矣丹砂何爲偷狀右脅而逝橘州曇禪師作傳。

宋德興縣董母李氏誦普門品三十餘年後入冥見觀音垂手引之光明如晝云爾數已盡緣有善根故

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

法華指掌疏 卷下

來相援豁然而甦。

宋慶曆間，歐陽文忠公修知潁州。有官妓盧媚姿，貌端秀，口中嘗作蓮花香，散越滿座。有蜀僧頗知人生前事，云此女前身嘗爲尼，誦法華經三十年。一念之誤，遂至於此。公問妓曰：「曾讀法華經否？」曰：「某失身於此所，不暇也。」公命取經示之。一覽輒誦如素習者，易以他經則不能也。公於是始信修種之言不妄。

宋紹興中，奉化趙母素持法華一女，使竊聽久之。忽記得青蓮華香，白蓮華香，華樹香，果樹香。四句自是吟諷不絕。後卒於葬所，生青蓮華一朵。釋本空述。

宋潮山黃婆，素持法華、金剛專心念佛。忽患痢疾，但飲水不食。隣菴僧善修夢婆來謂曰：「將往西方。」越二日，婆西向念佛，端坐化去。遠近皆見紅霞覆婆之屋。宋秦氏淨堅，家松江。自厭女身，與夫各處，精持齋戒，披誦法華、華嚴光明般若經爲常課。寒暑無間，晨昏禮佛修彌陀懺。久之，光明入室，面西安坐而寂。

宋宜人陸氏，錢塘人。朝請王璵妻也。常誦法華篤意淨土，禮懺一會念佛萬聲。三十年不輟。後因微疾忽聞天鼓自鳴，人方驚異。氏卽向西雙手結印而逝。

元錢塘普福寺釋弘濟，號天岸。餘姚姚氏少孤，依從

父滿公出家。天性駿發絕人。授法華經。輒能記憶。十  
六受度。持律不懈。慨然有志大法。往鄞依半山全公。  
習天台止觀。專修法華淨土懺法。鬍鬚於觀定中。覩  
尊者界以犀角如意。自是談辨日增。開法東吳兩浙。  
間以流通教法爲第一義。建法華百十會。屢感天華。  
之瑞。鹽官海岸崩。請師建水陸大會。師冥心觀想。取  
海沙。呪之。徧擲其處。足跡所及。岸爲不崩。至正七年。  
召大衆至。以惟心淨土爲囑。端坐書偈而寂。

元陳君璋，黃巖人。端重寡言。年四十。與室葉氏。披誦法華。念佛惟謹。年六十。疾篤。一夕命其子景星扶之

謂曰吾歸去。曰歸何處去。曰沒處去。又曰我死宜坐。謂曰吾歸去。曰歸何處去。曰沒處去。又曰我死宜依。桑門開維法。言訖。合掌稱南無阿彌陀佛而逝。

明天台能仁寺釋善繼。號海慧。諸暨人。甫能言。聞母舉佛號。卽合掌隨聲和之。十歲。祝髮山陰靈秘寺。從大山恢公習天台教觀。後得法於湛堂澄公。三主名藍。宏闡法華玄義文句。朝講暮解。五章四釋。奧義昭晰。嘗於講期中。感四明尊者見夢。晚年隱居華徑。嚴修淨業。師平生講法華光明經主修法華淨土懺所。

明五雲山雲棲寺蓮池大師諱袞宏古杭沈氏弱冠

棲心佛乘嘉靖丙寅依無門性天蘿染尋受具戒單  
瓢隻履遍參諸方北遊五臺感文殊放光隆慶辛未  
見雲棲山水幽寂遂結茆終焉環山多虎災師爲諷  
經施食虎患以寧歲旱循田念佛隨足所至時雨霑  
澍自此化道大盛師獨闢淨土一門融會三藏指歸  
惟心四方縉白頂禮蓮臺下者日數千指諸賢豪及  
門問道者相踵皆扣關擊節徵究大事靡不心折又  
極意悲愍著戒殺放生文勸世城內外暨山中俱設  
放生池歲救鱗羽諸生命不可勝數萬曆中慈聖太  
后遣內侍賚紫袈裟齋供請問法要海內聞師名者

僉曰雲棲古佛云。師陰修四安樂行。有荷正法密行。難窺以念佛三昧。普攝三根誠永明以後。一人憨山禪師製塔銘云。若非付囑定是地湧蓋知師者微矣。師嘗有繡法華經贊云。四十九年間開示佛知見。得此一毫端一切塵中現。人皆用筆墨爾則針和線葉葉蓮華生字字光明遍心相本無形卽境能轉變我以筆爲舌今用斯爲薦共結菩提緣永轉空王殿又嘗有蓮經疏偈載雲棲法彙。

明釋德清全椒人姓蔡氏九歲能誦普門品十二師授法華三月通誦二十習禪刻志叅究遊京師謁安

法師聽法華唯識已遊清涼至北臺慈山喜其奇秀因以爲號南還至少林瞻禮初祖像於東阿道中豁然了悟乃有偈曰死生晝夜水流花謝今日乃知鼻孔向下遂詣北臺居龍門最幽峻處老屋數椽時見萬山水雪身心灑狀澗水奔騰若雷一念不生衆響如寂師發願刺血泥金書華嚴經一部結般若緣兼酬罔極時屢感異夢見慈氏尊在廣博樓閣爲說妙法又夢入金剛窟見清涼大師倚大寶牀開示圓融觀境自是夙障冰釋萬曆乙未以送藏事株及謫雷州至金陵遇達觀禪師臨岐把臂云向聞師難於佛

前期誦法華百部以懺夙愆余之心師之舌也師唯後至嶺外構禪室於壁壘間集衆諷課用報前願仍講法華一週至見寶塔品洞悟佛意戊午定居廬山五乳峰法雲寺倣遠公六時刻香代漏專心淨業明金陵大報恩寺釋洪恩姓黃金陵人十三歲聽講法華至三界無安猶如火宅豁然悟求父出家與慈山禪師德清同師無極和尚遊嵩少至伏牛結冬而歸再遊五臺挺狀以法自在萬曆中據猊座講演法華日達萬指單提本文直探佛意一雨所霑三草

法華寺傳  
二木悉皆蒙潤聞者嘆未曾有說法幾三十年每輟座卽修禪觀嘗於長興山中結茆習靜入定二日林木屋宇皆爲振動慈公敘師梗槩爲中興法道傳明天台佛隴巖釋真覺字百松崑山人姓王氏梵相奇古夙具靈知後尋梵典知世無常出家受具戒詣吳興謁月亭法師預法華講席至方便品卽便開悟嘉靖甲子天台請師講法華意不欲行夢紺衣神人告曰師緣至矣我當護師行台俗初習邪教師奮妙辨一掃空之皆知念佛求生西方自後二十六年歲無虛席遠近嚮風學者尊之曰妙峰法師所講法華

及妙宗鈔大弘教觀時人知有性具宗者皆師德化也臨終著三白省而逝師嘗修隨自意三昧每遇病境止觀逾厲著有淨土夢譚記

明釋真清號象先湘潭羅氏少投南嶽依寶林和尚薙染隨授具戒日持法華經兼修苦行二十五航海禮普陀舟中忽有所省因訪鹽官遺蹟駐錫覺皇俄遭疾恍見關聖授以靈藥曰汝至人也請廣玄規以醒末俗病尋愈已而南游天台精修止觀五載復入華頂南峰宋永明大師曾禪定九旬於此師高其風廬於舊址結社修大小彌陀懺各三年廣讚台宗精

法華指掌疏  
敷五悔。一夕夢琳宮綺麗。列坐彌陀三聖。師因展拜。  
見沙彌授一牒。有戒香熏修四字。萬曆丁亥。慈聖太后特賜金紫方袍。降旨褒崇。冢宰五臺陸公光祖。虛芙蓉法席。見招師辭不起。後移居東掖慈雲。卽式尊者得道之所。鳴泉在澗。松影參差。師禪定於此宴如也。後應雲間陸宗伯樹聲請。於本一禪院妙闡法華。癸巳正月坐逝。五日而如生。荼毘有異香氣遠近至者幾萬餘。

明天台石城釋性專。崑山張氏。號守菴。少薙髮遍訪知識。謁妙峰受戒。預聽法華講席。後辭峰往峰頂行。

頭陀行十二時中。惟誦法華。行深禪定。嘗於定中見西方寶池成琉璃色。廣厚無際。以是白峰峰曰。此觀行初成之相。不生取着。是善境界。若受若說。卽入羣邪。師繇是深秘不言。石城有百尺彌勒像。古稱三生佛像也。以僧護僧淑僧祐。更三世始竟工。嘉靖間因兵燹。像金剝落。師爲新之。又構石殿與像稱。感佛放光。夜明如旦。甲辰秋。延禪師傳燈講小本彌陀經。有請易彌勒上生經者。師曰。不朕吾聞彌陀與彌勒。二卽本性彌勒。先遊蓮華淨土。狀後預龍華勝會也。丙

午仲冬沐浴更衣。命衆椎鐘誦經。趺坐念佛而化。前數日大佛泥洹褶中生靈芝一本。大於拳。色白間紅。柔淨可愛。觀者咸謂師往生淨土之驗。

明釋傳燈姓葉姑蔑人少從進賢曠菴禪師削髮隨謁百松法師。聞講法華恍有神會次聽楞嚴中夜入室問楞嚴大定之旨。百松瞪目周視。師卽契入松付金雲紫縷袈裟。一生修法華大悲光明彌陀楞嚴等懺無虛日。自此講聲遐播。馮司成夢楨。陸太宰光祖施買山貲。因卜居幽溪高明寺。先有山農葉祺葬親山後。忽夢玄弼真君語云。此聖道場地異日有肉身。

菩薩大作佛事。速遷可免禍。祺不信。俄舉家病困。懼而遙徒。翌日師至。遂於此地立天台祖庭。學侶輻湊。師御高廣車垂甘露辨。嘗著生無生論。明往生淨土義。甲辰應守菴禪師請於新昌大佛前登座。豎義闈。衆時聞石室中奏天樂鏗鏘類絲竹非人間所有。講畢乃寂。每歲修四三昧。身先率衆精進勇猛。註楞嚴維摩等經。凡染翰必披戒衲。感鬼神翼衛。前後應講席七十餘期。年七十五預知時至。手書妙法蓮華經五字。復高唱經題者再泊狀而寂。師號無盡。同時爲黃檗禪師深有號無念。博山禪師大師號無異。俱濁

江華寺學系  
界醫王人天正眼旨稱三無云

明武林西溪釋傳記。鄞水人世稱法華和尚爲妙峰高弟性好獨居晦迹西溪隱身龍樹三十餘載日誦法華爲業課及九千七百餘部萬曆丙戌虞司助淳熙舉法華三昧懾師奮志忘疲力修長期者三九歷寒暑每獲瑞應默而不言後息禮誦於西溪道上肩水負薪行諸佛事或曰和尚猶作此有爲功德師厲聲曰無爲豈在有爲外乎癸丑七月辭諸弟子念佛及三千聲唱妙法華經題者數四而西合掌而逝次早頂門猶煖異香久之方歇

明雲棲寺釋廣莫字仁安初遊千松門執經問難復偕密藏開公結制大雲習禪那行開公勉以還從教入於是歷諸講席萬曆乙酉百松法師講法華於虎林福田寺丙戌復於靈峰山寺講法華玄義師咸負笈往聽洞契會三歸一之旨丁亥千松老人講首楞嚴於構李東禪復馳回預聽時於能言輩中老人屈師一指從是義辨日發三藏殊文百家異學開卷知歸喟然曰文字般若俱從禪那行中流出顧我器量不能直截情根爲彼二障所困其以法華爲越生死海之津梁登涅槃岸之梯磴乎壬辰禮雲棲聞淨土

法門三心圓發。誓躡華臺。偈有受恩俱是法。投足乍如歸之句。著懷淨土詩九章。俱古澹幽折。直契西佛悲願。師志弘大法。嘗集誦法華感應一卷行世。

明釋廣承字紹覺。弱冠從大覺受業。深究天台賢首諸宗機辨風生。聞者傾服。後依翠峰受戒。雍髮雲棲。大師見師所著淨土文。呼爲義虎。師勤修懺法。證入法華三昧。自是閱諸經典。渙狀水釋爲衆講解。歷年不怠。後無疾化去。黃海岸端銘其塔。

明江陰釋僧復。道德高重。萬曆末常寫法華經。積歲乃成。寫完擲筆池中。時方臘月凝寒。忽有蓮華一朵。

自冰中吐出。亭亭直上。師遂自號冰蓮道人。夏孝廉樹芳師事之。親炙其異。

明釋性天。號朗狀。吳淞人。由家普陀。泰昌庚申。雲間周東淵往南海禮大士。請師誦法華。薦母。師爲誦于韋天前。回向。周有牛甚力。自是忽斃。未幾。附婦體呼其子曰。向以口業重故爲牛。今得法華經功德已脫牛苦。再求朗師禮懺。便可託生。師因爲禮懺。施餽口食。是夜。周恍惚見母謝曰。賴禮懺力。已託生東隣矣。翌晨。向師述夢。適東鄰鄭氏誕一子。相顧驚愕。問何時。曰。爾家道場纔完耳。師曾刺血書法華經。書畢六

萬餘言。瀾翻如夙習。所居靜室。泥壁皆具蓮華葉梗。諸相禮普陀者。莫不隨喜。合爪讚歎。

明北京刑部街之鷲峰寺。供養古旃檀佛像之所也。神廟末年。住持僧濟舟。生平質實。奉佛欽肅。但於酒戒未嚴。一日有人着兩截衣者來告曰。我地府無常也。某老嫗以生前無一善。滯地獄不得脫。每月朔望曾到寺禮佛。携果物供養老師。以此因緣。望爲渠諷法華經一部。卽得託生。舟疑而未信曰。汝旣是鬼難得到佛地。盍瞻禮焉。鬼云。有都城隍在內。不敢入舟。因思是日五更。有人欲作善事。立城隍位於殿側。其

言殆不誣也。隨於七月十五日在佛前跪諷法華經至第五卷。天暑渴甚。覓茶不得。見桌上一酒壺。搖之尚有存者。遂吸冷酒一口。仍跪佛前完經。次日無常復來云。老嫗承師誦經完四卷。滿陰司皆射金光正將離獄。托生忽一陣酒氣衝入冥府。自五卷至七卷皆狀故。仍不得力。舟聞之。毛骨竦立。發至誠願爲之補誦。由此嚴持酒戒。永不敢犯。唐公時嘗刻其事於本寺嚴淨道場之碑陰。又昔有高僧跪誦法華三十年。忽見一青衣童子謂曰。師誦法華甚久。但每度洗手。蘸水而已。不如法淨洗穢觸法寶。且當受罪。僧悚

狀曰。得何罪報。童子曰。當墮糞蛆。言訖不見。僧大恐。後乃淨洗如法。按洗滌法。先用土灰。後用潔豆卽肥皂。擦抹。洗手有淨手呪。洗身有淨身呪。各念七遍。不念呪。雖洗盡四大海水。亦不得淨。淨手呪云。唵。主迦刺耶莎訶。洗身呪云。唵。賀曩密栗帝莎訶。

明釋行仁字指一。河南光山張氏。弱冠讀書白鹿洞。遇異僧戒曰。子有大難。能持大悲聖號可解。師矢心受持。崇禎辛巳。獻寇破縣。屠戮及師。刃忽自斷。賊異之。得不死。遂決志薙髮。甲申抵金陵。從千華昧和尚受具戒。已見戎馬充斥。乃沿流東下。至崑山於淨室。

講梵網金剛楞嚴等經。緇素皈仰。戊子春。徐氏捨西郊別業。延師居之。庚寅春。講演法華。辨慧雲興。聽衆日盈萬指。有白鶴自空而下。旋繞法筵數匝。聽畢戛然長鳴去。乃命菴曰。法雨。辛卯。崑邑大饑。主施粥事。心力俱殫。遂得疾。壬辰正月二日。端坐說偈而化。

明嘉靖間。報恩寺住持僧永寧。號西林。蓄一馬。每自寺騎赴禮部。上馬時。默誦法華經。至禮部門。下馬。恰完一卷。率以爲常。本寺對門有孕婦。夜夢此馬入室。遂生一男。天明向寺訪之。馬死正其時也。其家後卽以子爲西林徒。極愚蠢。授之書。一字不易識。唯口傳。

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

法華一卷便能熟誦信爲馬聞經得度矣出金陵瑣事又當湖有僧誦法華經一蝦蟆聞經聲忽作昂首拳跼狀者移時少頃若禪坐撼之已息斷矣唐修雅法師曰佛之意今祖之髓吾之心今經之旨合目冥心子細聽醍醐滴入焦腸裏若是蟲豈非醉醍醐而熟睡者耶見達觀語錄

明釋明勲徽人原名胡文柱天啓時爲中書舍人以不從魏璫書經命褫官至丙戌忽患人面瘡痛不可忍辛卯冬暈絕恍惚聽瘡作人言曰予梁時盧昭容也在雒陽宮中遭賊戕命今已六百餘年尚滯鬼籍

而君卽當日戕予者今旣轉身爲男子當書法華等經以自救救予文柱哀祈住痛卽書時居儀真立具紙筆書法華華嚴金剛楞嚴等經及水懺每書時痛輒止停筆復痛踰年書經完患遂愈丁酉夏遇堆山於德慶詳述斯事但未辨爲蕭梁爲朱梁李太史明睿王子猷定諸人題跋亦皆不及審定堆山曰此朱梁也蕭梁時雒陽屬魏且昭容亦唐宮人位號乃擁護昭宗而被害者君非朱友珪卽氏叔琮耳遂訂而題其冊見薛公案今堆山道者米筆記按堆山考據最悉但如此則梁昭容應作唐昭容或胡君憤絕中

唐梁聲近而訛。未可知也。周石續志。

明蘇州寶林寺。相傳有十三歲童子至寺。云欲得淨室寫經。寺僧以別房居之。索紙筆書法華經。以半幅高麗蘭紙。畫作七級浮圖。一級一卷。紙長四尺許。廣可尺半。而經文六萬餘言。具焉。數日便了。留寺中童子不知所之。里人陳文綱親見此塔。字如麻大。緻密分明。其下左方題云。行童海王師光寫。今歸蕩口華氏。

明龍得孚爲四明郡丞。廉直好道。時普陀有兩住持。一日大智戒律精嚴。道俗皈仰。一日真表雖領叢林。

性悍破戒。萬曆壬午。丞奉監司命委鞠真表。以小過撻沙彌事。到山處分命取蓮華經一部。火之令衆僧悉跨其上。誓無再犯。已至後殿禮拜。覺兩髀病軟不可動。體發奇熱。疾遂委頓。昏憤中恍惚聞傳旨云。奉道燬道尤當重譴。姑以愛民故。罰作三石牛。寄官丞念此必寘官之號。如是死矣。且入惡趣。某不知燬經之罪。其大乃爾。自今而後。願齊戒終身。急免官入道。自贖。大智師亦爲祈哀誦經禮燬。定中見一鐵圍城。城中裸尸纍纍。丞亦在中。獨不裸。師至心懺摩。忽見空中下白光一道。若有人拔出之。而甦。丞見沙門雲

擁問何故。燬經犯此大戒。丞曰知罪矣。願以百償一。先捐俸齋萬僧。衆沙門乃隱其夕。丞家僮於昏黑中見兩玉女雙髽髻。手携幢蓋。拂牀而過。砉然有聲。幢腳拂僮面。僮驚起大呼。丞病良已。是時不食不瞬。十日矣。屠儀部隆目擊爲之記。

明海鹽朱元正爲諸生時。講孔孟之學。端方不苟。六十後深入禪悅。於宅後敝屋三楹閉關。不與家事。門上題譬如我已死了六字。每日功課。午前諷法華經。一卷。午後靜坐。庚申四月。唐宜之同其門人陳則梁訪之。先生謂則梁曰。宜之向曾與汝書。勸子舍利西。

泰之學而學佛。此是好話。可切切聽之。旣而則梁曰。老師年高。盍少開酒禁。先生曰。子意謂衰年當藉數盃以調氣養血耶。不知我之生死已。畫得斷。何復言此。先生說盡得斷時。因以手在几上。畫一畫。蓋已了生死矣。見者咸稟狀起敬。七月無疾忽謂子曰。吾在此無事可行矣。子問何處去。曰。西方去。子及孫固留許之。至臘月朔示疾不食。家人倉皇治後事。先生曰。勿忙。此臘八夜半事也。及期。端坐欲逝。又曰。我一生秋毫不負人。今冬舍後木匠爲我脩後門。一片地。蓋望我元旦會客。地平便老人行步也。其雅意尚未報。

江華子驥系  
取紙作一詩謝之中一字錯寫又以筆塗改從客坐

定而逝時方雞鳴先生預誠家人臨行時勿令婦女

來過二三時方可來來亦勿哭比天明眷屬方至舉

哀先生復醒開眼而不開口但搖頭令女人去去盡

仍瞑目逝爾

時來去自由如此見妙意菴已求書

明王立轂字伯無台州人幼從父大中丞士性遊雞

足山入一石壁中見迦葉語曰汝從何處來王瞿狀

一驚迦葉曰汝墮火宅中行慈忍戒他日勇退急流

橋下前身猶在須臾壁合如故王自此堅持殺戒萬

曆丙午領鄉薦夢父有十年五死及植德禳災之諭

乃於嘉禾三寶前誓奉長齋於天台受殺盜淫妄四戒後爲新淦縣令戊午入覲舟次荻港夜爲冥府所攝主者厲聲叱曰爾陽數丙辰八月當盡延至今者齋戒力也奈何棄之王叩謝曰居官勢不得不爾主者曰固狀奈算盡何命驅入獄一左側宰官請曰試取破戒後事稽之少頃羿兩麓至皆令淦文卷并一揭一東平日所戲書方寸之紙俱在焉各有氣上騰青黑赤白不一色主者令分檢之先檢黑與青成聚次檢白聚成青者漸縮又檢赤聚青者隱黑者縮小如杯許而赤氣熾狀獨盛王睨之見所刻金剛經及

好生編社倉卷皆在。主者曰是知植德尚有生理損五官全其軀命可也。乃令抉其目便昏暗無所見覺有人促之行一跌而寤。張目見燈火如刺了不可開。醫進明日藥其夜似有人復以釘釘目痛楚滋甚。遂却醫藥決意乞休歸里棄家修淨業誓持法華千部及日誦金剛梵網經以祈冥祐。庚申七月禮懺幽溪夕夢大士以楊枝灑甘露點其睛晨起豁然見物兩目復明後歷遊雲棲博山之門再生又十二年號壁如大師有回生自記。

明蘇州尤弘遠與隣一女奴相悅，私訂終身，娶爲妾。

妻妬虐之爲咒詛法令速死未幾妾果卒歲餘妻亦久病呼里嫗相伴夜見妾紅裳綠衫冉冉至前指妻誚曰我命未合死爾以咒詛使我天歿今已訴獄司追汝矣言訖不見次晚妻果絕遠心念妾冤而妻平日所許誓願及文書類甚多必爲已累乃日持誦玉皇經凡數百部又禱於所事真武卜玄妙觀沈道士建水陸道場以謝前過後遠病中見隸卒攝去至一闕扁曰獄府王坐殿上叱問妻訴遠同咒詛事遠叩辯非已過王呼左右押遠妻妾前証妻辭屈王曰爾雖不知情狀此婦咒咀文案甚多如何破除遠未答

案前一判白王曰高真處已有文書準過矣王令檢文卷覽之授遠遠惶懼不暇細讀但見朱字數行在紙尾王曰文移酆都當云呈今云咨誤也俄有二甲胄神將見庭中一關聖一心將王靈官靈官顧王曰此小失不足問王領之靈官以足蹠遠足曰去遂得出路數折仍入一司有六僧坐其中呼遠詰問主者言且還當入五瘟司去遠具言高真赦罪之故僧曰汝知奉道而忘佛卽此間利害亦非細今旣得生還宜急延年高有德僧六人誦法華經六部方可消滅罪愆也命放出遠乃甦踰日卽請僧誦經如數迄今

每月朔常持念經懺雖極冗不廢

明葛琬字石平崑山人投誠學道掩戶蒐討竺墳長年不倦尤皈心法華用爲日課念流光逝電妙法難聞欲報佛恩弘經爲要因取先賢古德事自晉宋迄元明輯感通錄四卷卷末各系以論荏苒數載未竟辛卯秋以衰疲抱疴匝歲至壬辰冬連夕頻感異夢見神人趣鐫是編乃竭力鳩工書告成病尋愈明吳門陳濟生字皇士文莊公之長子素力行善事凡古今嘉言懿行無不手自輯錄幾至充棟尤好內典每結蓮社持誦法華久而不怠忽夜夢一老者風

法華持驗紀卷下 終

神古異手持金字法華經及因果事跡相授陳子踴躍拜而納之天明鹿城葛氏所刻法華感通錄果載至陳子遠耀堂流通又一友以泥金法華經全部來質同日事也未幾復於途次見新安李正卿所書泥金法華塔并購歸供養以成合璧莊嚴妙勝觀者嘆爲希有始信幽誠所感佛事因緣不可思議如是陳子所著有共知錄同善會全錄及香林廣書等編行世

明譚工部貞默母嚴太夫人持家教子俱有法度雖講解大義崇禎壬申示疾起沐浴更衣禮佛曰我一生敬佛果有佛緣當令遺體不穢因跏趺合掌而逝時值暑月七日顏色含笑如生香氣時拂喪次無一飛蠅見者莫不歎異

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

板貯嘉興府

執前書。且。日。改。合。收。去。香。院。報。謝。事。方。事。  
生。焚。果。育。柏。絲。當。令。應。歸。不。避。因。根。超。合。掌。請。  
請。大。菩。坐。則。王。甲。元。永。歸。本。答。又。歸。執。日。殊。一。  
長。景。父。鑒。歸。遠。地。持。奉。畢。日。一。卷。又。詣。尋。不。缺。

乙  
四十七